

MBUTO YA LINOKA



Kalunga ketu, Kalunga wamunene kaha nawa waundume, Ou aumbile vyuma vyosena na ngolo ja Shipilitu Yenyi, kaha nanehe Yesu Kulishitu, Mwanenyi Umwe kaha Iya munwe, Ou alihanyine nakutufwile etu vakashili, hali Kwoloka na vakakuzeneka kwoloka, kutukindulwisa etu mukuwaha cha kulifukula chize etu tuli nacho na Kalunga, nge omu vatunangula mu Lizu Iya kukisula, nge etu tuli nakulikata na Ikiye shimbu kanda chihela chaha mavu kanda: “Omwo vaze vatanganyika va chimene vembile hamwe, kaha vanava Kalunga vatambakanyine na kuwahilila, kunyima chikuma shimbu kanda chihela chaha mavu.” Kaha etu tunatachikiza ngachilihi nge nge kalwapwile lwola lwolumwe luze uze Mwana mukoko vamujile; nge omwo Kalunga, muunene wa kushinganyeka Chenyi, amwene etu kutambakana na kuwahilila mu ulwilo wetu kuhichila muli Yesu?

² Kaha, ufuku uno, etu tuli kaha na kuwaha cha upahu waunene wa Ukalunga uze navakasolola ha Kwiza Chenyi chamuchivali. Misongo yosena na ushona navakaufumisako. Kahajino etu natukapwa na mujimba nge Wenyi Ivene mujimba waupahu, mwomwo etu natukamumona Ikiye nge apwa Ikiye. Hano nge natutala ha mavoko etu akuzuza, jikambu jetu kwalumuka jangengu, na vifwiji kukunyuka, etu tunatachikiza ngana nge etu tuli vathu vakupola kaha vanatale kulukungu kuze mitwe yetu yanongama jino, kaha kuze twafuma. Oloze, Mwata Kalunga, nge pundu omwo wapwa Ove wu Kalunga, Ove tungile lushiko nge naukatusangula cheka kumakumbi akumakumishilo, kaha etu twafwelela echi.

³ Chamwenemwene etu tunemana na lufwelelo ufuku eno Kumeso Ove, kwiza na kumika mwomwo Yesu atulwekele kulinga etu echi. Keshi nge ha chuma chamwaza etu tungalikingo, mwomwo etu nachuma chamwaza tungalingi chauchi; oloze etu tuneza mukulinyisa, kulivuluka nge etu twaheta luheto lwenyi mwomwo ya likoji Lyenyi lize atuhana etu. Shikangaho, etu tuneza nakukuhula Ove nge unyenga nakutukisula etu ufuku uno omu nauneha Lizu. Mwomwo echi vachisoneka, nge, “Muthu keshi kukayoyela ha mbolo kahako, oloze ha Lizu lyosena lize nalilovoka mukanwa ka Kalunga.” Kaha echa kanwa ka Kalunga kahanjika ufuku uno. Echa mazu ezenga, kaha echa Echi chingile mukachi kamichima yetu, vakakwivwulila, kaha vazale na Shipilitu Yove na Kupwa Chove. Mwomwo etu twalombo echi mu Lijina Iya Yesu. Amena.

⁴ Le—lelo na zau, naufuku wapwangaho, na, na lelo, etu tunapunga na kuhanjika ha mutwe wachihande, chatete, kuukukulula, *Ika Etu Twahonena Kupwa Chikungulwilo.*

Kaha etu twachimika nakuchizamisa mbe, ika etu twahonene kupwa chikungulwilo, kaha ika twahonene kufwelela muvikungulwilo. Mwomwo, etu twachiwana mu Mbimbiliya, nge vikungulwilo kanda lyehi vipwe vya kutongola kuli Kalunga; echi chakutongola kuli liyavolo; kaha chakwinjikiza na Mbimbiliya. Kaha nomu chize, kuhichila muvikungulwilo, mwejila na kuseuka. Jino etu tuli nakuhanjika echi kwolola na kuneha eyi mbalaka mukulikatacha mukisu ya Lizu lya Kalunga. Ngachize, malutalilo etu kaweshi akutungila muli ovyo vinahanjika chikungulwilo, mokomoko ovyo nahanjika muthu; chili chakutungila ha ovyo Mwata Kalunga nahanjika. Kaha eyi yikiko kaha jila etu vanahase kutwolola nacho.

⁵ Kaha echi chimene, Ngwapwanga na faifi, Ngwafwelela, mikanda yakufuma muvikungulwilo, ize vene yakuhona kuhanjika mu Mbimbiliya, nge mauka a Vakakulikanga kuli katolika ali nakulifukula kuli chize, na kutangisa kunangula: chuma chochimwe nge uze mama wamwaka walihule, waliuka lya Katolika kutangisa, kaha nakwiza na kwingila muliuka lya Kulikanga. Kaha etu twafukama kuchuma chochimwe chakulimbalaka na vyosena vya mu Lizu lya Kalunga.

⁶ Chikungulwilo chaliuka chatete, etu twatalanga ho chongoloshi echi cha mujimbu wa visemi vamu Nyikeya, wa liuka lya Nyikeya. Ha kufwa cha vapositolo, hakiko hafuma kwiza cha visemi vamu Nyikeya, kaha vakiko vatwalileho myaka yimwe. Myaka seli handulendi na twende faifi, makumishilo na kwiza na—na Nicaea, France, kuze vapwile na—na kasulu yayinene ya Nicene. Kaha muze mukiko vatungile jishimbi eji valinajo jino muliuka lya Katolika, kaha cheka vanahajihane nawa nakuli Vakulikanga kukatolika.

⁷ Kaha nge omu Ngwambile ngwami mu—mukutangisa cha chimene chino, “Hali aze osena mauka avisemunuino, helu haze—kuze kuliuka lya Tesolonyika, myaka ya milima yakuheta ku fifiteni handulendi, kuze kakwapwile numba lwola lumwe oloze ovyo Ikiye ambile ngwenyi, ‘Ove uchili na Lijina Lyami.’”

⁸ Kaha kusali ikwavo, vakiko kavapwile muli Kulishitu chekako, vakiko valovokele nakufuma mulijina lya chikungulwilo, “Katolika, Luther, Wesley, Mbaputishiti, Pulishiteliyani, Pendekosita,” na kuya lika.

⁹ Oloze kufuma vene ha kusoka cha chisemunuino, Ikiye ngwenyi, “Ngunahake kumeso ove chikolo chahululu.” Talenu? Kaha chize chikiko chisemunuino chize etu twafwelela muchikiko tuli jino, chize chisemunuino cha chikolo chahululu, chili mukachi kakulovoka cha chisemunuino cha Lauchiseya.

¹⁰ Kaha echi chili vene na myaka seli handulendi na twende faifi kufuma ku kasulu ya Lauchiseya. Kaha muze vakiko vetavilile vyuma kana vyakufwana nge kusapwila,

kuhingununa, na malujimiko akwonga, shipilitu wajila wakwonga, vyosena evi vyuma vikwavo. Vakiko vavitavilile.

¹¹ Kaha omu Luther, kupwa kapilishitu, hakulovoka muliuka lya Katolika, anehela na vyuma kana nawa. Kaha mukachi kaevi nawa mwalovokele Zwingili, mukachi ka Zwingili mwalovokele Calvin, mukulovoka cha Calvin mwalovokele Wesley, mamalelo, nakutwalilaho. Kaha vakiko vatwalileho kuneha evi vishinganyeka nakutwalilaho. Kaha Kalunga mwatwaminyina ngachilihi Liuka Lyenyi, nge vakiko vapwile na kukavangiza jijila chize Ikiye kanda lyehi ajinehe kuli vakiko mangana avatwaminyinengamo?

¹² Kaha anuka, mu Kusoloka 17, etu twawane “uze pwevo.” Jino awa mazu alihatoma to. Akiko ali akusoneka mu Mbimbiliya, shikaho Ngwashingtonyeka Ngunahase kuwahanjika. Anambe nge ou pwevo kupwa “lihule.” Echi chalumbunukila nge ikiye apwile pwevo wakuzama; uze atelele kusomboka kuli lunga, kaha alingile ujila na kaye. Kaha ikiye apwile na... Ikiye apwile “NAYE YA MAHULE,” shikangaho ikiye apwile navana vamaapwevo. Kaha etu tutwa chifundu echi, kupwa mu... Kaha kuze, yami lyavene, kumona echi chili Chisoneka, kumona kunangujola chenye na vyosena, Ngwafwelela Mwata nahake mwakukupuka echi hamufunda, nge nge kacheshi kupwa chuma chekako oloze liuka lya Katolika. Echi chikiko kaha jila yatela kupwa. Kaha ikiye ahanyine ika nakwiza kukusemuka chenye? Aze mauka ava Kakulikanga. Mukiko vene, mukiko alingile.

¹³ Kaha ikiye apwile na lupasa lwa vinyo ya ujila wenye mulivoko lyenyi, kaha ikiye apwilenga nakuluhannga va myangana va hamavu. Kaha ikiye apwile mukakuyula hamavu hosena, kuhanjika mushipilitu. Kaha echi chili chakwoloka vene. Kakwechi mukwavo wekako...

¹⁴ Tala, echenu, tuyenu kunyima kuli Ndanyelee nakumbatako chifwanyisa. Tala hali chize chifwanyisa: uze mutwe wa ulu, va wangana wa Mbavilone; unengu... mokomoko siliva, Mete na Pelija; unengu, Alexander Wamunene, kaha shikaho na vyangocho, va wangana wa Ngiliki; kahajino awa mawangana ava Loma, Kumulauko na Kumututuko wa Loma, uli jifiti jivali.

¹⁵ Kaha tachikiza muli awa mawangana likumi, awa ali nakwiza najaji jimbinga likumi jize etu twapwanga nakuhajikaho echi chimene, muli aze mawangana lukumi aze atelele kukatuka, muze mwapwile fwelu na ndambo yakufutula. Kaha ize fwelu kufuma kumahinji, yapwile Loma. Kaha muli ndaka ya Chiloma yakufutula muli kala lifuchi lili mwishi ya Mwilu, kuhichila muliuka lya Katolika. Echi chilivene chakwoloka. Kaha vakiko kaveshi kuhasa kulifutulako, mukalajila.

¹⁶ Kaha vakiko valimbachililenga, umwe na mukwavo. Ize Mbimbiliya ngwayo vakiko vahashilenga. Kaha tala hali vakiko lelo. Kanyike kove walunga kulimbata na kanyike wapwevo wa Katolika; omwo vakiko navalimbata, vakiko vatela kulishika kukulisa vavana vavo mu Katolika; talenu, chipwe kusali ikwavo. Talenu, echi chatela kuhokola ngolo jasali ikwavo.

¹⁷ Oloze chili chuma muka? Ize Mbimbiliya ya hanjika nge chosena napu lihule. Jino ika nauya nakulinga? Echi chakwoloka. Kaha nomwo jishili javathu omwo navakajitambukila...Etu twakindulukanga ku Lushimbi lwa muchivali, kaha kusolala nge mwana wamuujiila, mwana wamuujiila, katela numbatuhu kwingila muchikungulwilo cha Mwata muvisemunuino fwoteni. Chize chapwile mwayile lushimbi. Kaha Kulishitu ejile na kutohwesa lushimbi. Nyi oholyapwa nachipwa ngachilihi?

¹⁸ Kaha chuma muka chili nakusoloka hali evi, ukalu ulihi hali ava vavandende vali nakulengumukamumukwakwa lelo, ava vavandende vwapwevo vali nakukukunya makanya, na nakuvwala twatwihi, najikapu jakuteula nakulengumaka, na vyangocho? Ukalu ulihalihi? Echi mwomwo manevo valingile mwomumwe. Chili kaha kutambukila, upapwoko, kufuma muchisemunuino chimwe nakuya muchikwavo. Omu mukiko chili. Kaha etu tuli naka? Etu twahete na hachihela, chakungulukanachuma chekako shina chimbalangani cha shili.

¹⁹ Ou ukiko mulonga Kalunga nakatwila Russia, helu, na mutelembe wa atomic na kuvakuvafumisako, nge omu chapwile mulwola lwa livaji, omwo Ikiye akatwile mavwi. Punduvene, Ikiye ali. Kaha na Mbimbiliya yahanjika ngocho. Russia, lifuchi lyakutona nge omu vali, kutona, vakiko vali nakwimba vene ngeomu vali mulivoko lya Kalunga wa Undume. Chochimwe nge Mwangana Nevukataneza apwile na kwenyeka Isalele mwomwo vakiko vahonene kutambuka hamwe na Kalunga, Russia alinakukatuka helu “kushishisa vakakujila,” va liuka lya Katolika, aze manyinga aze amwangile ava kakujila. Ize Mbimbiliya yahanjika ngocho. Echi nachiya nakumbata chuma chosena.

²⁰ Shikaho tala hano, kachi nevo apwile kanyike wapwevo mukakwimba, kaha kakayenyi wapwevo, na naye vapwile vaka kulengumuka, lelo ali hiya? Mukakukina wauselesele. Kaha vana venyi navapwa muka?

Kaha ove ngwove, “Kumana Kalunga nahase kulinga ngocho?” Eyo, mwane.

²¹ Kalunga eji kutambukilanga upapwoki wa vana, chisemunuino, kuheta nakuchisemunuino chakuheta ku fwoteni. Kaha kachi Kulishitu ejile nakutohwesa echi, etu natwamba ngwetu, “Visemunuino handulendi, mokomoko visemunuino faifi handulendi.” Mwomwo ika, Ikiye ngwenyi,

“Vaze vakushikulu, enu mwevwa lyehi vakiko ngwavo, vaze vakulwola lwakunyima, ‘Ove kanda ukajihako.’ Nangwamba ngwami, ‘Ove, wose na pihilila na ndumbwenyi, chakuzeneka mulonga, namujihi lyehi.’ Enu mwavevwalyehi kuhanjika ngwavo, vaze vakushikulu, ‘Ove kanda kalinga ujilako.’ Oloze Nangwamba ngwami wose mwatala hali pwevo nakumuvwila chipepa, nalingi nenyi lyehi ujila.” Ikiye achilingile echi... Nyi *kutowesa* chuma muka? “Kuchilingisa kuvula chachinene.” Kaha kachimujishimbi chapwile visemunuino fwoteni, kaha lelo chuma chochimwe nachimbata visemunuino vingahi?

²² Kaha vakweze va malunga, na vavupu jamalunga, na malunga vakulimbata kavechi nakalemesa na kulishika chamalo avo ko. Mwomwoika, vakiko vambata mapwevo na kuyoya navo mukala jila, nge omu vapwa watuwa kaha. Na kawa mwapwa na kalemesa na kulemesa mwamwaza kuhambakana vathu. Kaha Ngunatachikiza nge echi chachikalu, oloze chili chakwoloka.

²³ Mwomwoika? Kaha mauka nawaya vene ngocho na kuhanjikaho chiku hali echi. Mwomwoika? Vakiko vali kaha nge omu manevo valinga. Mauka veji kuswana echi. Mwomwo, liuka na liuka lya Vakakulikanga valovokele muliuka lya Katolika, kaha jishili ja liuka lya Katolika vanajitambukila hali Vakakulikanga. Eyo vene, echi chili, nge ndeho kayetela kuvuluka ketulu ngwayo ili “namajiloko.” Echi chilivene muchano.

²⁴ Jino etu twawane nge, mu Chisoneka, etu twawane nge...Kaha kanda lyehi Ngumone kunguvangulwisa hano ha mesa naufuku uno. Ngwambile ngwami, “Ngulweke yami chihela chimwe okwo Kalunga atongwele lyehi chikungulwilo. Ngulweke yami chihela chimwe okwo Kalunga atongwele pwevo kupwa mukakunangula. Ngulweke yami chihela chimwe okwo Kalunga atongole lyehi kusapwila. Ngulweke yami chihela chimwe okwo Kalunga atongola kuhingununa. Ngulweleke yami chihela chimwe okwo Kalunga ajimikileho lyehi muthu mulijina lya ‘Tata, Mwana, na Shipilitu Wajila.’ Wana vyuma vyangocho.” Oloze tweji kuvilinganga hakumbi hakumbi. Vili vene muliuka.

²⁵ Jino, Nangwamba ngwami, “Mujila ya kushinganyeka etu katwatelele kupwa va Mbaputishiti, mwomwo etu twafwelela mulivakiko kupwa vakujimika mu Lijina lya Mwata Yesu Kulishitu. Kakwechi muthu umwe, mu Mbimbiliya, wakujimika mukala jila. Enu ngulwekeni yami chihela chimwe okwo vajimikile muthu umwe mu lijina lya ‘Tata, Mwana, Shipilitu Wajila,’ Nanguya nakukatula mavoko ami kaha na ngwamba ngwami Ngukapolofweto wa kwonga.”

²⁶ “Kaha kachi nge Mbimbiliya ngwayo ove watela kupwa ‘wakujimika mu Lijina lya Yesu Kulishitu,’ kulumbununa nge ove watela kuchilinga muli eyi jila. Paulu avalwekele vakiko kuvajimika cheka. Numbatuhu vanavamijimika ngachilihi,

vakiko vatela kwiza, nakuvajimika cheka. Vakiko vavajimikile kuli muthu youmwe uze ajimikile na Yesu Kulishitu; Yowano uze Mbaputishiti. Ikiye ngwenyi, 'chize kachazata chekako. Ove watela kwiza, vakujimike cheka.' Kaha vakiko vatela kuchilinga shimbu kanda kutambula Shipilitu Wajila. Echi chapwile kwala cha Kalunga."

²⁷ Ngunahase kuya na kujiminyina chindende kuhambakana aha, ufuku uno. Mwomwoika? Yesu alama Lizu Lyenyi. Enu wafwelele echi? Jino, ngunejiva nge enu vosena mwapwanga hano echi chimene, oloze Ngwatondo kutwama aha chikuma.

²⁸ Mwomwoika Paulu mwatuma-. . . kulweka nge hanyima ya kulinga chize? Paulu ngwenyi, "Chipwetuhu Kangelo wakufuma Mwilu kwiza na kwambulula chuma cheka, echa apwenga wakwangula."

²⁹ Jino ove ngwove, "Etu tukwechi Kumunyika chachihya hali echi." Nduma, enu kamwechi nachoko. Omu mukiko ejile nacho liyavolo kuli Eva, Kumunyika chimwe chachihya. Enu kamwatela kutonda Kumunyika chachihya. Enu mwatondo kutambuka mu Kumunyika cha Kalunga echi ahaka lyehi hano, mukiko kunahu.

³⁰ Jino tala echi, omwo chapwila chawashi. Omwo vakiko vapwile nakusuluka kufuma Kupili ya Kwalumuka, Yesu ngwenyi, kuli tumbaji Twenyi, "Eyi vathu ngwavo Yami Mwana muthu nguhiya?"

"Umwe ngwenyi Ove yove 'Mose, mokomoko Eliya, umwe watupolofweto."

Ikiye ngwenyi, "Enu ngwenu ika?"

³¹ Ikiye ngwenyi, Petulu ngwenyi, "Ove yove Kulishitu, uze Mwana Kalunga wakuyoya."

³² Ikiye ngwenyi, "Wakukisula ove, Shimona, mwana Yona; mwomwo nyama na manyinga kavyakusolwele echi yoveko." Talenu, kavyafuma kuhichila mu jiseminali ko. Kachafuma kuhichila muvikingulwiloko. "Nyama na manyinga kavyakusolwele echi yoveko. Enu kamwechi kalinangula cho kuhichila mukala shikola ya kutangisa mbimbiliya. Oloze Tata Yami, ou ali Mwilu, nakusolwelacho echi ove. Kaha hali eli lilolwa hakiko Nangukatungila Liuka Lyami; kaha vikolo vya hetese kavyeshi kukahasako halikiko," kusoloka cha kushipilitu chakutachiza Ikiye Hiya.

³³ Tachikizenu, "Kaha Nangwamba ngwami ove yove Petulu. Kaha Nanguya nakukuhana ove jisapi ja Kuwangana. Kaha kala chuma namukasa enu hamavu, Nanguya nakuchikasa na Mwilu; kala chuma enu namukasununa hamavu, Nanguya na kuchikasununa Mwilu." Jino, Ikiye atelele kulama Lizu Lyenyi mokomoko Ikiye keshi kupwa Kalunga ko. Jino, kaha omwo Ikiye alingile chize, makumbi amandende kufuma haze,

Ikiye vamusukikile, asangukile, akandukile Mwilu, kaha Petulu asokolwele Mujimbu wamwaza ha Likumbi lya Pendekosita. Ikiye achilingile? Ikiye, eyo vene, achilingile. Jino tala, omwo ikiye alingile. . .

³⁴ Vakiko vosena vapwile nakuvasekeleka, mwomwo vakiko vapwile vakuzala na Shipilitu. Vakiko vavavulukilenga “uleya, vakakulyalanga vakujila,” mokomoko kuvavuluka lijina limwe nge ngocho. Kaha vakiko vavasehele, nakwamba ngwavo, “Ava vanazale na vinyo yayihya.”

³⁵ Kaha Petulu kwimana mukachi kavakiko, azundwile lizu lyenyi, kaha ikiye ambile ngwenyi, “Malunga na vandumbwetu, iwwulilenu lizu lyami. Iwwulilenu mazu ami kaha mungwiwvulile yami. Ava kavapendele nge omu munavashinganyekela yenu vakikoko; luno luli kaha lwola lwa mutanu na jiwana ja mulikumbi. Oloze echi chize vahanjikile muli kapolofweto Yowele, ‘Kaha nachikasoloka kumakumbi akukuminyina, Yami nanguka hingununa Shipilitu Yami,’ kaha Ikiye ocho mwakalinga hali vana Venyi va malunga, na vana Venyi va mapwevo, na hali vandungo Jenyi, na vyangocho, mulize likumbi.”

³⁶ Kaha omu vapatukile kwivwa echi, vakiko vevwile vangu mumichima yavo. Mwomwo, vakiko vevwile muthu wakuhona numba kutachikiza ABC, oloze vamwivwilile ikiye, kutachiza nge apwile na Chumachimwe mukachi ka ikiye, chapwile nakumwocha ikiye, uze Shipilitu Wajila. Kumwimika? Mwomwoika, echi nachipwa nge kweseka kujima kakahya, kali hazuvo yaumu, halikmbi lya peho. Ove kawechi kuhasako. Ikiye apwile wakuzala na Shipilitu Wajila. Kaha ikiye alingile ika jino?

³⁷ Vakiko ngwavo, “Chamwaza, malunga va ndumbwetu, ika natulinga etu numba vatulwile?”

³⁸ Jino zangama, Petulu, ove yove uli na jisapi yaku Wangana. Talenu?

³⁹ Jino, omwo Yesu asangukukile halikumbi lya muchitatu, Ikiye kapwile na jisapi yaku Wangana wa Mwilu ko. Enu mwatachikiza ngocho? Ikiye ngwenyi, “Ngukwechi jisapi ja kufwa na hetetese,” oloze keshi jaku Wangana ko, mwomwo vajihanyine lyehi kuli Petulu.

⁴⁰ Jino Ikiye ngwenyi, “Petulu, kala chuma naukakasununa ha mavu, Nanguya na kuchikasununa na Mwilu. Kala ocho naukasa ha mavu, Nanguya nakuchikasa na Mwilu.”

⁴¹ Hano jino nemana na jisapi, asokolwele echi chuma cha kukisula chakuhana kukaye. Kaha hano jino ikiye apwile na jisapi mulivoko lyenyi. Kaha vakiko vapwile nakuhula, “Ika natulinga numba etu vatulwile?” Jino, kala mwose omwo kapositolo avalwekele kulinga, Kalunga Mwilu achitavijile, kachi nge Ikiye amuhanyine jize ngolo.

42 Jino Petulu ngwenyi, “Alumukenu, muthu hi muthu, kaha vamijimike mu Lijina lya Yesu Kulishitu kuneha kukonekela milonga yenu ya shili, kaha enu namutambula wana wa Shipilitu Wajila.” Echi chakwoloka? Kaha ou ukiko mulonga jize jisapi ja phombolwele Mwilu na kumajina eka nawa, mukala jila, mukala jila—mwosena omwo nachisolokela. Ja phombolwele na hamavu, kaha asokolwele na Mwilu, mokomoko kachi Yesu kalamine Lizu Lyenyiko kuli Petulu. Kaha kala chihela mu Mbimbiliya vakiko vajimikilenga, hanyima yachize, vakiko vavajimikilenga mu Lijina lya Yesu Kulishitu. Kaha vaze vajimikile shimbu kanda echi, vejilenga na kuvajimika cheka, mu Lijina lya Yesu Kulishitu, numba vatambule Shipilitu Wajila. Omu mukiko mwakwoloka. Echi chili lika mwomumwe.

43 Shikaho, kachi tuli nakunangula kujimika mu lijina lya “Tata, Mwana, na Shipilitu Wajila,” ou uli upolofweto wakwonga. Jino Kangwatondele kumivwasa kukolako, oloze Ngwatela kushindakana echi hamavu managana eli liuka litachikize echi. Etu katwechi hano nge lizavu lya vipalapala vya ndeho vyakakuhona kutangako; etu tunatachikiza oho tunemanyina mu Lizu lya Kalunga. Talenu, etu tunatachikiza. Ngunahamwisa kala muthu angulweke yami chihela chimwe okwo kala muthu vajimikile ho lyehi mulijina lya “Tata, Mwana, Shipilitu Wajila.” Jino enu namuya na kwivwulila kuupolofweto wakwonga eyi Muchano? Tonda tondenu mu Visoneka. Chili kuli yove.

44 Ngwinyikile yami muthu umwe mu Mbimbiliya, okwo liuka valitongwele kuchikungulwilo mu—mu Mbimbiliya. Ngwinyikile mu Mbimbiliya okwo kuze vatongwele pwevo kupwa mukakunangula. Ngwinyikile yami mu Mbimbiliya okwo kwapwile vyuma kana, evi tunahanjikaho, vatongwele mu Mbimbiliya. Vakiko kaveshimoko. Ngulweke chihela chimwe. Yako kuchikungulwilo. . .

45 Chamwaza, omwo va Mesondisiti vakatukile, vakiko vanangwile kujilikiwa. Chize chapwile cha mwaza. Oloze, omwo vakiko valingile chize, vakiko vatungile chikungulwilo, kaha chazamine vene ngocho. Ou ukiko mulonga Mbimbiliya yamba ngwayo, “Ove ukwechi lijina.”

Ove ngwove, “Yami ngumuka Kulishitu.”

“Chamwaza, kuchikungulwilo muka wapandama?”

46 Ove ngwove, “Yami ngumuka Mesondisiti,” mwomwoika, ove unapu ulihule jino. “Yami ngumuka Mbaputishiti,” lihule. “Pendekosita,” ove ulihule. Ove wapandama kulize liuka.

47 Ove watela kupandama kuli Kulishitu. Kawatela kusekasananakwamba ngwove, “Mesondisiti,” “Mbaputishiti.” Kachi ove u Mukakulishitu, uli Mukakulishitu mumuchima.

48 Vikungulwilo vyosena vinahase kusema vana, vana va Kalunga, echi chakwoloka. Oloze omwo ove mushinganyeka

kuya Mwilu mwomwo uli ka Mesondisiti mokomoko Mbaputishiti, ove kaha unahenge. Kaha ou ukiko mulonga etu twalihenda kuchuma kana.

Mwomwoika va Mbaputishiti vanahonena kuchimona?

⁴⁹ Ngwahulile lunga ka Mesondisiti hano, kusoneka mujimbu wapami, ausonekele kunyima okwo. Ikiye ngwenyi, “Chuma kaha tuli nacho chachipi hali ove, ove wasukama ku Chipendekosita.”

Ngwambile ngwami, “Eyi etu twapwa ‘tuveya’?”

“Etu, Mesondisiti.”

⁵⁰ Ngwambile ngwami, “Chamwaza, Nanguya nakukulweka ove ocho Nanguya nakulinga. Nangukeza kumbongi yove kaha echa va Mesondisiti vakachikafwe vakiko.”

“Mamalelo,” ngwenyi, “eyo, etu tunahase kulinga chize.”

⁵¹ Ngwambile ngwami, “Echi chikiko Ngwashinganyekanga. Ngutwamenava Chipendekosita mwomwo va Chipendekosita vafwelele echi. Echi chakwoloka. Vakiko veji kuliungilikila hali echi. Vakiko vamwe ava veji kuwananga nganyo muliechi.”

⁵² Vangahi vatanganga uze mujimbu mu mangajinyi vavuluka ngwavo *Kuyoya*, kalinwaha tuhu, kuvuluka liuka lya Chipendekosita? Echi chapwanga chuma chimwe chachinene muli chino chisemunuino. Vakiko veji kupwanga na vakakwitava vavavulu mumwaka umwe kuhambakana mauka eka akwavo kuwahaka hamwe. Mwomwoika? Chipwe mukuseuka chavo, Kalunga ali nakuvalingisa kuya kulutwe, ’mwomwo vakiko vafwelele Muchano na kutambuka Nawo. Echi chinapu Muchano.

⁵³ Oloze ika tuli nakulinga jino? Talenu? Ou ukiko mulonga etu katweshi chikungulwilo ko. Kaha kupwa vakukunyuka nge omu Chipendekosita chazama . . .

⁵⁴ Kaha nge kunyima okwo, omwo Shipilitu Wajila vamuhunwine chatete muliuka lya Chipendekosita, myaka fwote kunyima okwo, kaha vakiko vaputukile kuhanjika na malimi, wana umwe hamawana. Wana umwe waundende hamawana. Ukiko waundende hamawana akwavo, kutesekeza na Mukakujila Paulu, ali nakuhanjika na malimi. Kaha omwo ahonene, “Mamalelo,” vakiko ngwavo, “etu tuli Nayo jino,” kaha vakiko vatungile chikungulwilo, Kasulu Yayinene, eyi iliko jino Assemblies of God. “Mamalelo, naumwe pimbi ali Nayo kuvanga uhanjike mumalimi,” kaha Kalunga avafumine haze vene hali vakiko, na kuvecha vakiko kutwama kuze. Punduvene. Eyo, mwane.

⁵⁵ Kushimbula kwejile va Oneness, kaha hinavawana kujimika mu Lijina Yesu. Vakiko ngwavo, “Mamalelo, etu tuli Nayo,” vakiko valikungulwile. Ika vakiko valingile? Kalunga avafumine hazevene na kuvaseza vakiko kutwama ngana vene.

Echi chili, “Wosena owo mwasaka, echa ezenga.”

⁵⁶ Talenu, vase va Oneness kavate kuya kuli va Assemblies. Va Assemblies kavate kuya kuli va Oneness. Ngwahanjikile na malunga vamwaza vakiko vali navo, Mukulwane. Goss, na Ndotolo. Pope, naveka nawa vavavulu. Vaze malunga vapwa malunga vavanene mu. . . Ngwatwamine navakiko. Ngwambile ngwami, “Kaha enu namutangisa ngachilihi chinjikizo chivene, nge vakakulinagula?”

⁵⁷ “Chamwaza,” ngwavo, “Ndumbu walunga Branham,” umwe, vavali mokomoko vatatu vavo, vapwile vakushishika vene, ngwavo, “etu twatachikiza nge echi chakuhenga, oloze ika etu natulinga? Ika Kachi etu natwamba chuma chimwe hali echi jino, ika, nachiya na kutangika kwala chosena.” Pundu, kaha ove kaweshi kuhasa kupwa kalama chekako, mokomoko kalama ha tulama. Ikiko punga.

⁵⁸ Ndumbu walunga, Chamwaza yami kupwa na kutuma chachindende mumbango, mokomoko kunangula mwishi ya mutondo, na kupwa na Muchano, punduvene, na kutachikiza nge uli na kwambulula Muchano. Muthu atonda Muchano. Kaha uli wakukashiwa, nge Mukakulishitu, kupwa na Muchano. Kalunga ali nakuya na kukuhula ou mulimo.

⁵⁹ Kaha jino, hali evi vyuma, kachi ove kawahashile ko ku kujimika mu Lijina lya Yesu Kulishitu, kaha ove kawalingile vyuma kanako, kaha ove kawatambwile Shipilitu Wajila. . .

⁶⁰ Ove ngwove, “Mamalelo, Ngwahanjikile na malimi.” Chize kachalumbunukile nge ove uli na Shipilitu Wajila ko.

⁶¹ Ngwamwona lyehi vakavisava, valozi, va ndemoni, na kaha vyuma vyosena, kuhanjika mumalimi. Punduvene. Vakiko kaveshi na Shipilitu Wajila, kaha ove enumunatachikiza. Kunwa manyinga kuzachisa chikola cha muthu, kaha kukina, na kusanyika liyavolo, kaha vahanjikile mumalimi. Punduvene. Vakiko kavechi na Shipilitu Wajila ko.

⁶² Shikaho, ’mwomwo ove unahanjika na malimi, echi kachalumbunukile nge ove uli Neyi ko. Jila kaha yakwijivila nge uli Neyi, omwo shipilitu yove nayipwa naunjiho na Shipilitu Yenyi, kaha mihako ya Shipilitu nayikukavangiza ove: zangi, lufwelelo, kuwahilila, kuunda, kuvandamina chikoki, kuwaha, kuvova, kuliunjika. Mukiko ove nautachikiza nge uli na Shipilitu Wajila. Yeji kulijimbulanga Ivene.

⁶³ Jino, omwo ove nautonda kunokela hali, mwomwo ove vapwa nava Assemblies, mokomoko kuli va Mbaputishiti, mokomoko kuli va Pulishiteliyani, enu mwamono ovyo muli nakulinga? Enu muli na kumbata lijina lya lihule. Echi chili vene chakwoloka. Lovokamo muchuma kana. Fumako muli chize. Kangwambile ngwami kufuma muliuka lyoveko mokomoko kalachuma; ove linga kala chuma ove unatondo hali chize. Oloze fuma hakukundamina hali chize, “Mamalelo, Yami nguli

Pulishiteliyani. Etu katwafwelela mumakumbi avikomwesa ko.” Ika enu mwahonene kufwelela echi? Eyi Mbimbiliya ya nangula echi. “Mamalelo, Ngwatwama nava Church of Christ. Vakiko ngwavo makumbi avikomwesa ahita lyehi.” Vakiko vapwa tupolofweto vakwonga.

⁶⁴ Nanguya nakuminyikila kuze Yesu Kulishitu ahanyine Ngolo Muliuka, ja kuka vakakuviza, na kusangula vafu, na kutambula vandemone. Ngunahamwisa kala lunga kungwinyikila yami Chisoneka mu Mbimbiliya okwo Ikiye ajimbachile na kujifumisamo Muliuka. Chuma muka china jifumisamo? Jishimbi jenu jautu, mukiko, keshi Lizu lya Kalunga ko. Ize Shipilitu Wajila achili nakuzata mulimo, ali nakutwalilaho lika mwomumwe, kaha Ikiye mwakapwanga hayamyaka.

⁶⁵ Ou ukiko mulonga etu katweshi chikungulwilo ko, “Kupwa na kufwana cha kumukomoka Kalunga, kaha kukana Ngolo jacho; kuli vangachize vatalisenga nyima yove.” Etu katwafwelela muli vizeko.

⁶⁶ Jino, echi chaputukile ngachilihi? Chamwaza etu twatela kuzangulako nakuheta kuli echi washi washi nge chinashiwa jino, omwo jino echi omu chaputukile. Jino etu tukwechi Visoneka vya kulisala vya kusoneka hano vya hali Shipilitu Wajila.

⁶⁷ Kaha chuma chikwavo, etu twatunganga chakuhonesa ufuku unahichi, ha “kukakachila cha vakakujila,” keshi nge omu va Mbaputishiti vafwelela ko. Nduma, mwane. Pundu ngwahandunuka nava Mbaputishiti na chishinganyeka chavo, cha kutachikiza chavo cha Calvinism. Punduvene kangwetavila nava Pulishiteliyani ko. Kangwetavila nava Mesodisiti ha jila yavo yakunangula chava Arminian. Eyo, mwane. Oloze vakiko vakwechi muchano, oloze ove watela kuvaneha *Hano* aha hali Muchano. Omwo ove muchina haze, kaha ove muzaluka nawo. Punduvene.

⁶⁸ Mbaputishiti vejile na kwingila, nakujimika vamwe hano, kumbwichika; kaha mukakunangula ikiye mukakuvajimika, naine mokomoko va teni vakakunwa makanya, kuya kukinduluka na kwimana kuze, na kuhema juka, na mulavalava ufuku wosena, nakuhitangana, nakusekasana cha kuhuka; kaha mapwevo wosena kuze kuvwala jiputula, kuhitangana mumikwakwa, najikambu jakuteula, kaha—kaha kunwa makanya nakuhanjika, na chiwanyino chachindende nge mangongo, na kuhanjika usese wamajilo. Enu kusanyika chize kupwa Ukulishitu? Kaha enu namushinganyeka nge muli nakukingiwa Chahaya mwaka? Muli nakuya ku hetese ngachize. Enu kamweshi kuhasa kuwahilila enuvavene Mwilu mukala manganako. Punduvene chiku. Chize chikiko kukiwiwa Chahaya mwaka.

Oloze nge muthu nasemuka cheka ku Shipilitu Wajila . . .

⁶⁹ Kaha enu va Pendekosita, 'mwomwo mwatumbukile helu na hamavu, mwahanjikile mumalimi, kuhitangana kuze na kuze musenge, chize kachalumbunukile nge enu mukwechi kukiwiwa Chahaya mwaka ko. Kanda ketavila chize mu mitwe yenuko. Nduma, mwane. Echi punduvene kachazachiwako. Mwomwo, ove unatachikiza nge chize chove—kuyoya chove ove lyavene chakumbata ove, unjiho, nge kaweshi kanawako na Kalunga. Chize chakwoloka. Ove kaweshi wakwolokako. Chize keshi kukiwiwa Chahaya mwaka, ko.

⁷⁰ Oloze Ngwatondo kumihula enu chuma chimwe. Kumana kwatwama kukingiwa Chahaya mwaka? Ize Mbimbiliya yahanjika ngocho. Ize Mbimbiliya yamba ngwayo majina etu vawahakile mu Mukanda wa Kuyoya wa mwana Mukoko shimbu kaye kanda kapwengako.

⁷¹ Nge omu Ngwahanjikanga na chimene echi, Ngwachihanjikanga echi cheka. Uze lunga asonekele mwaso wa, “Kuze kuli kusoneka lijina lyami lyalihya mu Upahu ufuku uno, kaha lili lyami,” chishinganyeka chenyi chapwile chakwoloka, oloze ikiye apwile wakuhenga, mwaya Visoneka. Lijina lyove kavalihakilemo haufuku uzeko ove vakulwilileko.

⁷² Lijina lyove, kutesa na Mbimbiliya, kutesa na Kusoloka 13, 17, na vya ngocho, “valihakilemo lyehi shimbu kaye kanda kaputuke; kaha Yesu Kulishitu vamujihile shimbu kwala chihela chaha kaye kanda chipwengako.”

⁷³ Nachipwa ngachilihi ou Kalunga, Ikiye apwa wakuzeneka maputukilo, kaha ou Kalunga wakuzeneka maputukilo, kutachikiza makumishilo kufuma kumaputukilo, kaha Ikiye mwatevila shili kwiza hamavu, kachi kakwapwile mulonga ko?

⁷⁴ Kuzamisa jino havyuma vimwe evi etu tunahanjikaho. Chuma muka chatete, Mulwilo mokomoko mukashili? [Muthu umwe mu chikungulwilo ngwenyi, “Mulwilo.”—Muka.] Mulwilo, punduvene. Chili chili nangolo chikuma, Mulwilo mokomoko mukashili? Kachi nge Mulwilo nahase kufumisa shili, Ikiye ali na ngolo chikuma. Chamwaza, ika Ikiye etavilile shili kusoloka muchihela chatete? Kusolola nge Ikiye apwile Mulwilo. Chili chili na ngolo chikuma, mukakuka mokomoko kuviza? [“Mukakuka.”] Mukakuka. Kahajino ika Ikiye etavilile kuviza kwiza? Kusolola nge Ikiye apwile mukakuka. Nguli na kwivwa kulifukula hano jino. Eyo, mwane. Mamalelo, yami! Chize chapwile muli Ikiye.

⁷⁵ Shikangaho Ikiye eji kwechelanga maukalu ezenga. Shikangaho Ikiye eji kwechelanga ushona kwiza, kusolola nge Ikiye apwa kuwahilila. Punduvene, mukiko chili. Shikangaho etu tukwechi ufuku, kwinjikiza nge kuli likumbi. Shikangaho etu tukwechi matoto, kusolola nge kuli kuunda. Punduvene, kuvanga kupwenga echi numba kupwenga chize. Mamalelo, Ikiye ali wamwaza.

⁷⁶ Jino, echi chaputukile ngachilihi? Etu naputuka jino kuya muchiko, washi washi nge omu natuhashila, shikaho kangweshi kumitulika enu ufuku wosenako. Jino, kwatela kupwa maputukilo a vyuma vyosena.

⁷⁷ Kaha Ngwatondo kumihula enu chuma chimwe. Jino echi chinahase kupwa... Ove chipachike hamboloso ya chikovele chove. Enu kanda kuhaka hamwe na chuma chamwkako. Oloze ivwililenu kuli echi.

⁷⁸ Kachi enu muli tengeso ya Hayamyaka, kahajino kamweshi na maputukiloko, mokomoko chipwe kupwa na makumishilo. Mwomwo, *Hayamyaka* lya fuma ku lizu “chakuhono maputukilo mokomoko makumishilo.”

⁷⁹ Kamweshi kuhasa kwanuka chize ko? Ngwambanga mgwami, chimene chino, omwo uze Mechizendeke, omwo ali wanyine na Apalahama kufuma kukujiha va myangana. Kaha Mbimbiliya ngwayo, mu Hepelewu 7, nge—nge, “Levi afwetele vyamulikumi kuli Mechizendeke, omwo ikiye apwile mumitanda ya ise Apalahama.” Apalahama asemene Isaka; Isaka asemene Yakova; Yakova asemene Levi. Uzeapwile ise, kaka, kaha kaka ya kaka yenyi. Kaha shimbu Levi apwile mumitanda ya kaka ya kaka yenyi, Mbimbiliya yamuhana kalemesa hakufweta vyamulikumi kuli Mechizendeke. Kuhanjika hali Hayamyaka! Yami, yami! Ikiye kahanjike ngwenyi, “Ikiye achilingile mumuvwimbimbi; ikiye achilingile vene.” Ize Mbimbiliya ngwayo, “Ikiye afwetele vyamulikumi.” Amena.

⁸⁰ Kahajino, kachi etu twejile kuhichila mu mbuto yakwoloka, omwo Paulu anangwile Mujimbu wamwaza Ngwapwileko na yove wapwileko. Etu tuli nakuya nakumbata chize, mumunutu kaha, kwingisa mumatwitwi etu. Tachikizenu, mukiko Visoneka vyahanjika, kuli etu, nakuyima chikuma.

⁸¹ Shinganyeka kaha! Levi; kahajino Yakova, ise; kahajino Isaka, ise; kahajino Apalahama, ise; kaka ya kaka yenyi. Omwo Levi apwile mumitanda ya kaka ya kaka yenyi, ikiye afwetele vyamulikumi kuli Mechizendeke.

⁸² Ngwakutonda kumihula. Ou hiya, Yopa 27 . . . 38, omwo Ikiye ngwenyi, “Ove wapwile kuli omwo Ngwalile chikuku cha mavu? Omwo vatanganyika vachimene vembile hamwe, kaha vana vamaalunga va Kalunga vatambakanyine ha kuwahilila?” Veya vaze vana vamaalunga va Kalunga vaze vapwile nakutambakana ha kuwahilila? Yesu avalwezele vakiko, nge, “Ngwapwile na kuwahilila na yenu hamwe shimbu chikuku cha kaye kanda.” Etu katweshi tengeso yalwolako. Etu twapwa tengeso ya Hayamyaka.

⁸³ “Naumwe muthu mweza kuli Yami, kuvanga Tata Yami namukoko ikiye. Kaha vyosena naviza kuli Yami, Nanguya nakuvahana Kuyoya Chahaya myaka yosena, kaha nangukamusangula kumakumbi akumakumishilo. Naumwe

pimbi mwahasa kuvafumisa vakiko mulivoko lya Tata Yami, Ou anguhanyinevo Yami.” Kaha nauya ngachilihi na kujimbala?

⁸⁴ Talenu, ove uli nachiwomawoma. Ove uli na woma. Ove nauya na kulaha nakujinguluka hano. Kaha chize hichuma chimwe chinjikizo chamwaza, mukaye, ove kaweshi nakumweko. Ocho chakwoloka. Kaha Kalunga mwahasa ngachilihi kukulwila ove kachi Ikiye. . .

⁸⁵ Vangahi muli lino liuka vanahase kuzundula mavoko avo, kaha na kufwelela nge Kalunga apwa wakuzeneka kuputuka na kukumisa? Enu munatachikiza eli lizu lya *kuzeneka kuputuka na kukumisa* omu lyalumbunukila? Kupwa kaha kukupuka. Kuzeneka kuputuka na kukumisa, ove kaweshi—ove kaweshi kulumbununa lize lizu lya *kuzeneka kuputuka na kukumisa*.

⁸⁶ Enu mwambataho lyehi kamela na kuyihaka ha kuzeneka kuputuka na kuzeneka kukumisa? Mwomwoika, chalumbunukila nge kufuma haze jino. Chosena chakwoloka. Kakweshi jila imwe yakuyikafwa mukala jilako.

⁸⁷ Chamwaza, muze mukiko apwa Kalunga. Ikiye apwa kuzeneka kuputuka na kukumisa. Kaha kachi apwa kuzeneka kuputuka na kukumisa, kaha kakweshi chipwe chikotokoto, chipwe jiji, mbwangala, chipwe jina, chipwe liundu, mokomoko kala chuma ocho chapwaho lyehi hamavu, mokomoko nachikeza kapwaho, oloze ocho Kalunga atachikijile shimbu kaye vakatunge. Kuli kwimita chimwe cha kuzeneka kuputuka na kukumisa.

⁸⁸ Chamwaza, kahajinonyi, ou Kalunga apwa kuzeneka kuputuka na kukumisa Ou mwakulwila ove hano, hakutachikiza Ikiyenge ove nauya nakujimbala mulungu nawizaho, mokomoko kakweji mwezaho, mokomoko mwaka nawizaho, mwomwoika, kaha Ikiye ali nakuhonesa pungu ivene. Ikiye keshi kuhasa kukujimbalisa oveko. “Wose mwevwa Mazu Ami, na kufwelela hali Uze angutumine Ami, ali na Kuyoya chahaya myaka kaha keshi kukeza ku Kumusopesako, oloze nahichi lyehi kufuma mukufwa na kuya ku Kuyoya.” Keshi kuhasa kuchilinga ko. Ove kaweshi kupwamoko. . .

⁸⁹ “Ou na semuka kuli Kalunga keshi kulinga shiliko; mwomwo mbuto ya Kalunga yatwama muli ikiye, kaha ikiye keshi kuhasa kulinga shiliko.” Ikiye mwahasa ngachilihi kulinga shili ohonyi kuli wana waha shili wa ikiye?

⁹⁰ Yami Nangupwa ngachilihi na kuviza ohonyi Nguli mukulikangula chakukupuka? Na Ngupwa ngachili kapuputa ohonyi Nguli nakumona? Mamalelo, yami! Na Ngupwa ngachilili muzuvo, na haweluka lwola lwolumwe? Na Ngupwa ngachilihi, kupwa wakupenda na wakuunda ha lwola lwolumwe? Ove kaweshi kuhasa kuchilinga ko.

⁹¹ Kaha nge ove vanakulwili, ove uli mwishi ya chize Chakufwika hashili, kaha shili jove kaveshi kukajanukila kuli

oveko. Nдавichi Kahanjikile ngochoko, “Natokwa lunga ou Kalunga mwahona kumwanukila shili, na kumuvulukila shili”? Kalunga kalamina shili tengeso Yenyi ko. Echi chili chakuzama. Echi kacheshi mavele akukamuna ko. Oloze eli Mbimbiliya. Kalunga keshi kuya na kwanukila shili hali mukakwoloka ko.

⁹² “Kalunga,” ha likozi Lyenyi, kuhichila mukutongola, “kazangila kachi umwe akanongeko, oloze kachi vosena veze nakwalumuka nakupihilila.” Oloze hakupwa apwa kuzeneka kuputuka na kukumisa, kaha natachikiza hiya mwahasa kwiza nou mwakahona kwiza, Ikiye ahashile kutongola vyuma vyosena kuzachila hamwe nakutwala mwaya pungu Yenyi. Kachi Ikiye kahashile kuchilingako, mwomwoika Ikiye etavijile shili chakulivanga? Ohonyi Ikiye apwile Mulwilo...Kachi kakwapwile mukashiliko, Ikiye kachi kapwile Mulwiloko; vize vilinga, yapwile muli Ikiye, kaveshi kuhasa kuyifumisa moko.

⁹³ Kaha Ikiye ejile ngachilihi nakupwa muka kuka? Kaha Ikiye ejile ngachilihi na kupwa muka kuka? Mwomwo Ikiye etavijile misongo kwiza, mangana alisolole nge Ikiye Lyavene mukakuka. Ikiye apwile mukakuka. Kaha ove nauya nakupwa...Kaha Ikiye navakaya nakumwijiva ngachilihi? Kaha vilinga Vyenyi naviya na kuzata ngachilihi? Kaha Ikiye mwakapwa ngachilihi mukakuka, kachi kakwapwile na misongo yauchiko? Ikiye etela kwitaviza misongo.

⁹⁴ Shikangaho, Paulu ngwenyi, mu Loma 8, “Chileya cha lunga, ou mwaya na kulweka uze—uze tengi mwakulinga hali echi; ou, omwo unonga naukatuka na kwamba ngwawo, ‘Mwomwo ika tunga, ove, yami ngana?’ Kumana Ikiye kakatwile Fwalo hapunga yoyimweko, mangana Ikiye akasolole upahu Wenyi muze Ejipitu ko? Ikiye eji kukaluhwisa ou Ikiye nasake, na kuvulukila kwoloka ou Ikiye nasake. Kacheshi chayou mwasaka, mokomoko ou mwalaha, oloze cha Kalunga mukakusolola keke.”

⁹⁵ Shikaho, ove kaweshi nachuma chakulinga nachechi ko. Ove kaweshi nachuma chimwe chakulingako. Kachi lili likozi, kachi uli wana wakanyombo, kaweshi na chuma muhasa kulinga hali chizeko. Kalunga nakuhanecho ove, kaha echi kinalu kujina cha Kalunga. Chize chikiko chuma chimwe chize Kalunga nakutongwela ove.

⁹⁶ Eyi Mbimbiliya ngwayo etu twapwile “vakutongola kutuvulukila kupwa vana vamaunga va kwitavila, vana vamaunga va Kalunga, shimbu chikuku chakaye kanda.” Kahajino, omwo Kalunga avatwile uze mwana Mukoko, mu vishinganyeka Vyenyi Ivene, shimbu chikuku chakaye kanda, mangana kwinjikiza vilinga Vyenyi, omwo Ikiye apwa; omwo uze mwana Mukoko vamuvatwile, etu vatuvatwile hamwe na Ikiye. Omwo aze Manyinga auze mwana Mukoko vawakwachile muvishinganyeka Vyenyi Ivene, kuyima kuze shimbu chikuku

chakaye kanda, lijina lyami na majina enu vawasonekele ha Mukanda hazevene, vyosena mukushinganyeka Chenyi chachinene.

⁹⁷ Ikiye apwa wa kuzeneka kuputuka na kukumisa. Kachi Ikiye kapwile ngochoko, mwomwoika Ikiye achitavijile chize? Chili chakuzama chikuma, (Ngunambe ngwami,) Mulwilo mokomoko mukashili? Hiya ali na ngolo chikuma? Kahajino, uze wangolo ikiye netaviza uze wakuzeneka, kaha Ikiye eji kuchilinga kaha cha upahu Wenyi. Omwo Ikiye atangile Lucifer, Ikiye atachikijile nge ikiye mwakapwa liyavolo. Ikiye achechele chipwengako kuze mangana kusolola nge Ikiye apwile Mulwilo, uze Kulishitu. Ikiye achechele chize chisoloke muli ize jila.

⁹⁸ Jino, kumana Mbimbiliya kayamba ngwayo, nge, “Vyuma vyosena vyeji kuzachilanga hamwe na kuneha kuwaha kuli vaze vamuzanga Kalunga ko”? [Chikungulwilo ngwacho, “Amena.”—Muka.] Shikaho ove unachiwomawoma chaka?

Echa etu tupwenu helu na kulinga,
Na muchima ha kala utenu.
Kanda mupwa nge ngombe wakukoka
wakamama, kuvanga kumulembelela na
kumulambilila!
Kaha pwako chindume!

⁹⁹ Ngwazanga chize. Katuka nakwimana! Hanjikiso yayindende imwe yapwilenga na kungukafwa yami chikuma omwo Ngwapwilenga kanyike, yaya nge ngana:

Kwapwile Kaloma wamulemu,
Muli va Loma' mumakumbi ava Myangana;
Uze ewwile mukakulaka wawoma,
Kumeso azuvo yayinene yakukingiwa ngwenyi:
“Mamalelo, echi chili chakukingiwa kupwa mu
mutondo wamusuwa,
Kakweshi naumwe mwahasa kuunyikisako.”
“Mamalelo, nduma,” ngwenyi uze chindume,
“Nanguya nakuwana jila mokomoko
kuchilinga echi.”

¹⁰⁰ Ove unonyi oho. Echi chakwoloka. Kachi eyi Mbimbiliya yanangula nge Yesu Kulishitu apwa youmwe zau, lelo, nahaya myaka...Kachapwile chuma chachashiko omwo Ngwemanyine muno mumbalaka lize likumbi, kaha wosena apwile nakungulweka nge *echi* nachikasoloka, kaha *chize* nachikasoloka. “Ove navakaya nakukuvuluka kupwa chileya, navakakumbila mukamenga, kaha vosena va lizavu lya vakakutala kuvipatela na vakakufumbukila.” Oloze Kalunga ngwenyi chilinge. Ize Mbimbiliya ngwayo Ikiye vene. Kaha jino kuhizumuka chakakahya chili nakuwema mukala lifuchi mwishi ya Lilu. Mwomwoika? Imana kuli echi!

Weji kuzata milimo yove yahalikumbi
 ngachilihi?
 Ove uli wakulizakamina na mulimo unawane?
 Ove imana kaha kumulimo nakutwalilaho?
 Ove uli na vishinganyeka vya kuzeya kaha
 vyaupolongwa? (Ngwajinda chize chuma.)
 Mokomoko ove unemana kumulimo
 wakulwutwe,
 Mokomoko woma unakuhingunukila ove?
 Kachi nge ngocho, zata ukwavo unashishiho,
 Ha kushinganyeka nge ove uli nakuya
 nakuchilinga echi.

¹⁰¹ Twama nechi. Punduvene. Pwako na punga mumuchima wove, nge Ndanye. Twama na Kalunga.

¹⁰² “Echi kulihi chasolokele? Kaha echi chapwile ngachilihi? Ika yalingisa vathu kupwa ngana? Mwomwoika tuli vakulizanga kutwenyeka? Ndumbu walunga Branham, lumbununa echi kuli yami. Chuma muka chakulingisa ove kushinganyeka nge echi chuma chosena vatela kuchilela na kuchifumisako?” Echi vachifumishileko kamwe kaha shimbu kanda, (echi chakwoloka?) mu kwenyeka cha kushikulu. Jino hano naheza vyuma vyakujiminyina. Kaha natuya nakupwa vakulizanga kutanga.

¹⁰³ Jino Ngwatondo enu pandununenu hamwe na yami, mu Mukanda wa Kuputuka, ha kapetulu 3. Kachi untoondo kutachikiza chuma chimwe, Ngwahase kumilweza cho echi mu Mukanda wa Kuputuka kuze kuli lize lizavu lya vavakulifukula na vakachihandwa, kaha na vyuma vyosena vize etu tukwechi lelo, kuputuka mu Kuputuka. Vangahi vanatachikiza nge *Kuputuka* chapwa kulumbununa “aze maputukilo”? Punduvene.

¹⁰⁴ Etu twawana nge liuka lya Katolika kukuputuka lyapwa, Mbabelone, Nimrod ikiye aliwanyine; etu twachiwana mukachi ka Mbimbiliya, etu twachiwana na kusongo ya Mbimbiliya; etu twana, kweseka kuneha vakakunangula va mapwevo, mukachi ka kuputuka cha Mbimbiliya, ha kulifukula ku vyakusonga kufumisa kumiji. Vangahi vatangaho lyehi Hislop’s, *Two Babylons*, uze mujimbu? Chosena chakwoloka. Tonda nakuwana, muli eyi mijimbu. Vakiko vapwile na pwevo. . . Kaha jino, enu munahase kwanuka? Na Yakova nawa evile kakalunga kaise, kaha mwanenyi wapwevo akaswekele mukachi kenyi na kuyanako muze mupambo, kakiko kajilulwile chize chilombo, halutwe. Chosena chakwoloka.

¹⁰⁵ Echa tutangenu hano jino mu Kuputuka.

Jino uze linoka apwile wakuvanguluka chikuma kuhambakana tunyama vosena vamuchipapa vaze YHOVA Kalunga atengele. Kaha ambile kuli pwevo

ngwenyi, Yaa, kumana Kalunga ngwenyi, Enu kamwatela kulya kumutondo wosena wamulitepa ko?

...uze pwevo ambile kuli linoka ngwenyi, Etu tunahase kulya kumihako yakumitondo yamulitepa:

Oloze muhako wa mutondo...uli mukachi ka litepa, Kalunga nahanjika ngwenyi, Enu kamwatela kulyakoko, chipwe tuhu enukuya nakukwatako, mwomwoenunamukafwa.

Kaha uze linoka ahanjikile kuli uze pwevo ngwenyi, Enu kamweshi kukafwako:

Mwomwo Kalunga natachikiza nge mulikumbi lize enu namukalyako shikaho, kahajino meswenu nawakaya nakutona, (talenu, kuhangasana Kumunyika chachihya), kaha enu namuya nakupwa nge mutulunga, kutachikiza kuwahana kupihya.

¹⁰⁶ Talenu omwo evi vinalikavangiza na lelo, kweseka kuvifumisa mu Mbimbiliya? “Mwomwoika, echi chili chachashi nakuchipwanga, mokomoko kusapwila, mokomoko jila *eyi*, mokomoko jila *yize*?” Nduma, mwane. Kalunga ala lyehi mwakulingila, kaha mukiko etu twatelanga kukavangiza, *Echi*.

Kaha omwo uze pwevo amwene nge uze mutondo wapwile wamwaza kupwa kulya, kaha kutala mwaza muliso, kaha mutondo naulingisa...nauheha chipepa na kuhana muthu mangana, ikiye ambachileko ize mihako shikaho, kaha alile, kaha ahanyineko na lunga lyenyi nawa; na ikiye alile.

Kaha mesoavo vosena vavali atonene, kaha vakiko vatachikijile...vakiko vapwile uselesele; kaha vakiko valifwekile mafwo amukuyu, nakulipangila vavene mapepo.

¹⁰⁷ Ngwakutonda kwimanako hano munyutu kaha. Jino, kuze kwatele kupwa maputukilo avyuma vyosena. Ove ukwechi maputukilo. Jino etu...Hano hakiko Ngwatondo kwimanyina na chuma chosena, jino, echi etu tunahanjikaho hali evi mukuliwana chivali chahichi ngana, na hano.

¹⁰⁸ Jino, chino chimene etu twayanga kunyima kaha twahemanga chisela, mu Mbimbiliya, nge omu Kalunga apwile na kutenga mavu, omwo Ikiye apwile nakutenga jipeho; kaha jino jize jipeho jejile na kupwa calcium, na potash, kaha—kaha na vyuma vyakuhandunuka. Ikiye apwile nakutenga mujimba wove. Ikiye apwile nakwala chikuku, nge mwata wava kakutunga, nge mukakutungisa akwechi vingwazangwaza vya kutungisa mangana atunge zuvo. Ikiye apwile nakutenga mujimba wove, kaha Ikiye alinacho wakuhaka haze. Ikiye atachikijile vene, mu vishinganyeka Vyenyi, chuma muka nachiya nakulingika kuze.

¹⁰⁹ *Eli* livoko, Kalunga atangile lyehi ali livoko shimbu kanda Ikiye. . . omwo apwile Ikiye kutenga kaye; oloze, shipilitu yami Ikiye ayitangile lyehi shimbu kanda kaye. Jino, oloze eli livoko na ou mujimba wenyi, Ikiye au tangile shimbu Ikiye apwile nakutanga kaye, 'mwomwo ou mujimba wafumine mumavu, kaha unakuya cheka kumavu. Kalunga achilingile ngocho. Ikiye achalile lyehi vyosena nalipapilo Yenji lyalinene na kwala Chenyi.

¹¹⁰ Jino, omwo Ikiye ayile na kutanga mavu, Ikiye atangile muthu, kaha uze muthu kasolokele kanawako. Jino etu twapwanga nachize, echi chimene, twayanga twahitanga muchisela, omu uze—uze Tata ejile asulukile kaha atalile hali Mwaneyi walunga, wakitanga mwaya chifwanyisa Chenyi, na vyangocho. Kahajino Ikiye amutangilile ikiye pwevo, mukakumukafwako.

¹¹¹ Jino, anuka, nge, tengeso yosena yili hamavu, Alama ikiye avalukile majina vosena.

¹¹² Ikiye atangile uze—uze ngombe, kaha uze kanyama, kaha vyuma vyosena. Kaha lelo, etu. . . Vakakutanga visemunuino na—na vishinganyeka vyavinene vya sayasi yakuhandunuka handunuka, vanapunga na kwesekanga, ha myaka sikisi sauzande, mangana vawane chize chohonene, mwomwoika uze kanyama. . . Muthu apwa kuyoya chakanyama. Etu tunatachikiza nge, nge etu vatutangile. . .

¹¹³ Kaha pwevo apwa chihanda chalunga, chakufuma. Pwevo kapwileko kumaputukile akutengako. Kalunga nakumisa kutenga, ha myaka na myaka na myaka, palanga nomu Ikiye atangile pwevo kumufumisa muluhachi lwa eyi sali. Alama akumishile kuluka majina tengeso yosena, vyuma vyosena, oloze ikiye apwilenga ukawenyi kaha. Shikaho, Ikiye amutangilile mukakumukafwako; ambachile lupachi kufuma kusali yenji, nakusokamo muze mumbandu, na kutangamo mukakumukafwa ikiye. Kaha muthu, mushipilitu yenji, apwile lunga na pwevo.

¹¹⁴ Kaha pwevo apwa kaha chihanda cha lunga. Kaha kachi lunga mwambata pwevo lyenyi ivene, kaha kachi ikiye alivene pwevo lyenyi mwakwoloka, pwevo wakufuma kuli Kalunga, ikiye mwaya na kupwa kuli ikiye chihanda chenji.

¹¹⁵ Ou ukiko mulonga enu muli na vyakulipika vyavivulu mu ulu, mwomwo enu namuya na kumona kanyike wapwevo wamwaza wa meso achila mokomoko meso ausungwa, mokomoko vyuma vyangachize, na chifwanyisa chimwe chamwaza, kaha ove naumukumbwa. Lwola lwatete ikiye mwapwa na kemba yenji watete, aze mazo kulovoka, kaha ikiye mwapwa na mikonya na ushinakaji, kaha ove nautonda kumuhanga. Kaha nenu mapwevo vamwe namuwana kanyike walunga najikambu jakuzelalala, na jakukwita chimbwa cha maji angulu, kaha jakulijinga. Kaha jili jakusavala kanawa;

Ngunatachikiza echi ha kuhitamo. Oloze chasolokele ngachilihi? Chuma muka echi? Ove muholokela chize.

¹¹⁶ Enu mwatela kulomba, chatete, 'mwomwo pwevo ali chihanda chove. Kaha kachi unamukumbata pwevo lyove hatulo yove, kaha unamubate kupwa pwevo lyove, kaha ove. . . Ikiye nahake kusonekewa hali ove. Etu natuya nakuchihanjika ngana mangana muyenga nakuchivushisa. Kaha kala pwevo hali ize tulo keshi kuhasa kuta muli chize kusoneka ko. Kaha Kalunga mwaya nakukuhula ove hali chize. Kaha enu anukenu echi.

¹¹⁷ Enu mweji kumbatanga pwevo lya mbala na. . . Ngwevwanga lelo ha kanyike wamundende wa pwevo muno mumbaka, kachuma kakuhutwa kakandende. Ngwamwijiva ikiye. Kaha umwe muhuza kumulanjila ikiye vyakuvwala vyavinene vyamwaza, na vyuma, kaha kweseka kuhema na ikiye ngana. Tumbi, nahase kuya nakulinga chuma changana, kaveshi chipwe kumuvuluka kupwa nge muthuko.

¹¹⁸ Munatachikiza, na kawa keshi wakushikumuka nganako, kaha nausanyika chisemi cha kawa kupwa "lihule wamunene." Ikiye ali wakulilemesa kuhambakana chimbwa cha mapwevo tuli navo va mu Jeffersonville. Kaha ove musanyika chisemi wapwevo kupwa ngulu wa "chipwevo," ikiye ali wa. . . Ikiye ali nakalemesa kakanene kuhambakana mapwevo vamu United States, vavavulu muli vakiko. Echi chili vene chakwoloka. Jino, Ngunatachikiza echi chili hatoma. Kaha Ngwamilwekanga Ngwami nanguya nakuchichika kwimbo, kaha Ngwatondo enu kutachikiza echi. Kaha echi chili chamuchano. Vakiko vosena, mapwevo vamakumbi ano, ngwahono numba nge vatachikiza kalemesa chuma muka. Ngwavo, "Kanda kukolesa chivezu chami ko." Chamwaza, enu kamweshi nachoko. Tachikizenu. Eyo, mwane. Omwo, munatachikiza chika chakwoloka na chakuhenga.

¹¹⁹ Jino tachikizenu. Ou lunga, omwo ikiye vamutengele, Kalunga ahandunuine shipilitu yenyi. Kaha Ikiye ambachile chihanda chalunga, kusali yenyi, kaha atengeleko pwevo kufuma kuli chize chihanda. Kaha Ikiye jinonyi ambachile kaze kakavovwu, kandembendembe kamwaza kushipilitu ya lunga, kaha atengeleko pwevo kufuma kuli chize. Kaha Ikiye atengele lunga wa mishisamishisa, wakujikiza.

¹²⁰ Kaha omwo enu na mumona uze—uze—uze lunga wamundende. . . munatachikiza, naulombo havuala, mokomoko kala mwosena omwo mweji kuchivulukanga, na vyala vya kuminwe; kaha, munatachikiza, fwo sali yimwe na faifi kukwavo, kaha—kaha kusendeleka jikambu nakujishikumwisa; jikwete kanwa kenya kuphomboloka kulutwe, na vyakufwana ngachize; umwe hali vaze vanyike vama lunga vamwaza. Enu anukenu kaha, ndumbu wapwevo, haze hali chuma chimwe

chakuhenga nauze kajila. Haze hali chuma chimwe chakuhenga. Chamwaza ove jika liso lyove hali ikiye.

¹²¹ Kaha nge namumona pwevo na likanya kusali ya kanwa kenyi, na vyale ovoloshi, kaha ngwenyi, “Nanguya nakumilweka, mukwetu, chuma muka!” Ndumbu walunga, ove mutale uze vupu lyapwevo. Haze hali chuma chimwe chakuhenga na ikiye.

¹²² Pwevo, atela kupwa pwevo, kaha ikiye atela kuvwala nge pwevo. Omwo Kalunga atengele lunga, Ikiye atengele ikiye chuma chimwe, kaha Ikiye atengele pwevo nachuma chimwe. Kaha omwo Kalunga eji kuvwikanga lunga, Ikiye amuvwikile ikiye mujila imwe, kaha pwevo mujila ikwavo. Kaha Mbimbiliya ngwavo, “Echi chili chaunyengwe pwevo kuvwala uvvalo wakupandama kuli lunga.”

¹²³ Kaha enu mapwevo, kuvwala mikotola yamwaka yayindende na vyuma, nakuvwala na kuno, kamwaka kakandende...Mwakavuluka ngwenyi kaka, toloshi yayihi mahinji? Vakiko ngwavo kaka...? Mamalelo, chize chuma vakiko ngwavo chapwa chika...? Nduma, nduma, kechi mputulako, shina ize ikwavo, ikwechi mahinji amasuku. [Chikungulwilo ngwacho, “Toloshi yakuvatula mahinji.”—Muka.] Toloshi yakuvatula mahinji, na jiovoloshi, toloshi jamiha hamahye.

Yakomo, hanjika ngwove, “Eyi ya mapwevo valilemesa.”

¹²⁴ Ngwambile ngwami, “Nduma, enu mwaluwisa. Mapwevo vakalemesa kavavwala vize vyumako. Mapwevo vanahase, oloze mapwevo vakalemesa kaveshiko.” Echi chakwoloka.

¹²⁵ Ize Mbimbiliya ngwayo, “Echi chili chaunyengwe pwevo kuvwala uvwalo...na lunga nakuvwala chakupandama kuli pwevo.”

¹²⁶ Kahalunga ali nakwiza nakupwa wakuzeya, hakumbi hakumbi, kaha pwevo vali nakwiza nakupwa wamishisamishisa. Ukalu uli hali? Etu tuli nakuya na nakuchiwana muminyutu yayindende, na Mbimbiliya. Mapwevo kaveshi mapwevoko cheka. Kangweshi na kwamba enu mapwevo Vakakulishitu ko. Nguli nakuhanjika hali kukumbuwa. Vakiko vali nakulinga nge malunga; vanatondo kuteula jikambu nge malunga; kunangika mavoko avo muvyapu, nge *ngana*, na kwimba *Kalunga Kisula America*, na likanya lyakulovoka kumbango ya kanwa kavo.

¹²⁷ Yako shikumuka mumukwakwa, kunyima nge ngana, kaha muze mujila. Etu twalavile...Ngwatonda kumilweka chuma chimwe. Kaha enu va nyamutekenya va mapwevo, iwwililenu. Billy Paul na Yami, ha kujinguluka lifuchi chamakumishilo, mutukweji sikisi, Ngwalamine kulava cha maukalu aha mukwakwa. Kaha hajiponde seli handulendi, jahamukwakwa, shinganyeka vangahi muli vaze va nyamutekenya va mapwevo? Kuze kuli kaha chuma chimwe chinahono...Naiteni vapwile malunga. Kaha tu handulendi na eyite mokomoko, Ngwafwelela

vapwile, tu handulendi na eyite wani vapwile va nyamutekenya va mapwevo. Mapwevo va nyamutekenya! Jino, Yami kangweshi nakwamba ngwami va nyamutekenya va mapwevo kaveshi vamwaza ko. Oloze ikiye mwaya na kwalumuka.

¹²⁸ Kaha enu eseka kukinduluka hali ikiye? Echa ikiye apwenga wamwaza hakumutala, kwimana haze, kushinjika jikambu helu omu chisakulo nachihitako. “Mwomwoika,” ikiye mwahanjika, “punduvene, ove uli mukupwila!” Hmm! Etu katweshi na lushimbiko.

¹²⁹ Vakiko venjikijile chize ha likumbi likwavo musuti ya mitelo omu Ngwapwile nakuhita. Etu katweshi na jishimbiko. Kachi nge kujili. . .

¹³⁰ Shikangaho va myata ja England ngwavo, “Lusesa lwa vathu lwapwile nakwenda chakuzeneka chikungo chakwimikisa.” Echi chakwoloka, imana ha chimbokishi cha sopo, nakuvwotesa. Lusesa lwa vathu lwakupola, chochimwe na chinyulo cha muthu umwe na vyosena. Chuma chosena chakupola. Kuze kakweshi chuma chekako shina chuma chimwe kaha Kalunga atela kulinga, chili kwenyeka vyuma vyosena, nge omu Ikiye ahanjikile mwakaya Ikiye nakulinga, kaha nakuputuka cheka chachihya. Jino tala omwo ove unapandama kwakamwihi na kwiza Chenyi.

¹³¹ Jino ou pwevo. . .Ikiye amutengele apwenga mukakumukafwako, kaha ikiye apwile mukakumukafwako. Kaha jinonyi. . .

¹³² Jino, hano, Kanda lyehi ngupwenga na mukakunangula etavila echi. Kaha vakiko veji kwesekanga kuchitwala mujila ikwavo, oloze kachaneha ulumbunuiso kuli yami. Vakiko veji kwesekanga na kwambanga ngwavo Alama na Eva vali maapo. Ndumbu walunga, kachi. . .Kangweshi nakuhanjika echi jino nge usese ko, oloze Ngwatondo kuhanjika echi. Mwomwo, kachi kuli maapo nawalingisa mapwevo kutachikiza uselesele wavo, etu twatela kuseza maapo cheka. Kaha enu munatachikiza echi chili chakwoloka.

¹³³ Munatachikiza, kulya apo, echi keshi chikiko vakiko valingileko, kuvalingisa vakiko kutachikiza nge vali uselesele. Punduvene, kawapwile akiko ko. Echi chatela kwiza kuhichila muujila. Echi mukiko chatela kupwa, ’mwomwo vakiko vatachikijile nge vali uselesele omwo vakiko valile uze muhako vavakanyishile. Kumana pwevo kapwa mutondo wamuhakoko? Kumana ove kawapwa muhako wanoko ko? Uze ukiko muhako vakanyishile kulyako.

¹³⁴ Jino hano hakiko hali chuma chachinene. Jino chiliko hakamwihi na sayasi vanawaneko kutachikiza muthu apwilenga ngachilihi. . .Vakiko vafulile vifuwa vyamwaka, vakiko vambachile vize vifuwafuwa, kaha vambachile mitwe, kaha vambachile vikola, na mavoko, na vifuwa, kaha nakuvwesekesa

visoloke nge muthu. Kaha vatachikijile nge chuma chahachileko vakiko vawanyine hakuwana muthu, alihachile na, phombo. Ikiye apwile muyachi wakulihata na muthu; oloze kapwile na chuma na muthu ko, apwile helu.

¹³⁵ Chuma chakuyoya chamakumishilo hamavu chapwa chimbotwe; kaha chakuyoya cha helu apwa muthu. Kalunga aputukile nachuma chaheshi na kukanduka helu, palanga nomu Ikiye amunehele na muchifwanyisa Chenyi. Achinehele kuhichila mutujila na tunyama, kaha na kukanduka, palanga nomu Ikiye ahetele muchifwanyisa cha Kalunga. Atengele muthu muchifwanyisa kana. Echi chikiko chifwanyisa chahelu. Chifwanyisa cha makumishilo shina livwovela uze alumukile kupwa chimbotwe, na vyangocho.

¹³⁶ Jino, kaze koma kakuwanyisa kahonaho, kaze vakiko vahona kuwana. Tala Chisoneka jino. Enu, enu namuya nakuhona kwitavila na echi, muli enu vavavulu, oloze Ngwatondo... Ngwatonda kaha enu muchihake muvishinganyeka vyenu. Kaha kanda kupwa kusopesa echi shimbu kanadako. Ivwililenu.

¹³⁷ Ngunatachikiza enu vavavulu munapunga kaha na kwiwvulila kuli Ndotolo. DeHaan. Nayami vene... Kupwa muthu nge ikiye, kaha ndumbu walunga wamwaza mukakunangula wamu Mbaputishiti, kaha punduvene Ngwamusakwilila ikiye. Ikiye akwechi mangana amavulu na mawongo, kaha—kaha kuvulyama kuhambakana omwo Ngwatachikiza; 'mwomwo ikiye apwa Ndotolo wa—vya Kulifukula, kaha nawa ikiye apwa ndotolo wa chipatela, kaha ikiye ali Ndotolo wa Sayasi. Ikiye apwa lunga wautongwe. Oloze ali na kwamba ngwenyi vase... Omwo vana vamaalunga va Kalunga vamwene vana vamaapwevo vavathukupwa mwaza; ikiye ambachile kwimika cha Josephus, kaha ngwenyi “vakiko—vakiko valishijilile mumujimba wa nyama,” kaha vakiko vali mbachilile vavene mapwevo. Kaha vakiko vapwile vakutaluka muli mulifuchi Iya Note. “Kaha vakiko valimbachilile vavane mapwevo na kuyoya navo, omwo vana vamaalunga va Kalunga, Vangelo valimbukile, vambachile kaha vamwene vana vamaapwevo vavathu; kaha kufwila chausunda chikiko chapwile chuma chachinene, kaha vakiko kupwa vakashili kufuma kukulimbuka chavo, vakiko valingishile mumujimba wa nyama.”

¹³⁸ Kachi vakiko navalinga echi, vakiko navenyenga kuka Chaukalunga, na venyeka vyuma vyosena. Kachi liyavolo nahase kutenga, kaha ikiye ali museteko yimwe na Kalunga. Liyavolo keshi kuhasa kutengako. Ngwakutonda enu mungwinyikile yami chihela chimwe kuze liyavolo nahase kutenga. Ikiye keshi kuhasako kutenga. Ikiye eji kuchongononanga chize vanatenge. Ikiye keshi tengiko. Ikiye eji kuchongononanga kaha.

¹³⁹ Chamwaza, kahajino, chasolokele ngachilihi? Tala. Kusoneka chami jino echi. Eka kakiko koma kakuwanyisa.

¹⁴⁰ Jino vakiko vambachile phombo, oloze kaweshi kusemesa pwevo na phombo na kusema mwana. Ove kaweshi kusemesa muthu na kanyama ko. Echi kacheshi kuhasa kulifutulako. Ove kaweshi kuhasa kuhana, manyinga kala kanyama ko.

¹⁴¹ Omwo Ngwapwilemu Africa, vakiko vavamwene vaze vathu vakuhutwa kuze mujila imwe nge; muthu ambile kuli yami, ngwenyi, “Vakiko veshi mwekako shina tunyama kaha.”

¹⁴² Ngwambile ngwami, “Nguhilwishile ho. Vakiko vali vathu nge omu uli ove nawa, pamo vanahambakana nayove.” Echa ngumilweze, nge enu muli novyo vishinganyeka, enu muli nakukinduluka kuli kanyama. Ngwambile ngwami, “Uze muthu, kachi ali ulava nge ulombo, mokomoko kachi ikiye ali wangengu nge lipungu, mokomoko kachi ikiye ali nge usweha nge ulombo wa utangatanga, ikiye nahase kulwila kuyoya chove ha kukuhana ove manyinga. Oloze kanda haka manyinga akanyama muli ove.” Punduvane, ikiye apwa muthu.

¹⁴³ Hakupwa mwomwo umwe chikova chilava, kaha mukwavo chichila, kaha mukwavo wangengu, kaha mukwavo utoma, chize kacheshi chumako. Eyi Mbimbiliya ngwayo, “Kalunga wa manyinga amwe atengele vathu vosena.” Kaha echi chili vene chakwoloka. Chize chihela twayoyelemo, kwalumuna maulombo wetu, kacheshi nachuma chimwe ko. Kalunga atengele lunga umwe—umwe lifuchi lyosena, linyinga limwe, mafuchi osena mwomumwe.

¹⁴⁴ Va Chinese; ou waulombo weka kanda mwamba jino ngwenyi, muthu wulava kanda mwamba jino, chize, “Uze lunga wa ku China, ikiye—ikiye ali wangengu, Kangweshi kuya nakupwa na chuma chimwe na ikiye ko.” Ikiye ali ndumbwove walunga. Kaha ove lungautoma keshi kuhasa kuhanjika kuli uze lunga wangengu mokomoko muthu ulava, chipwe mukwetu mukwavo, “Kangweshi na chuma chakulinga nayou.” Ikiye ali ndumbwove walunga. Chakwoloka vene.

¹⁴⁵ Tachikiza, jino, hano mukiko chasolokele. Ngwafwelela, kaha echi nanguchinjikiza na Mbimbiliya, nge apwile linoka ikiye achilingile. Uze linoka ikiye muthu ahoneneho mukachi kaphombo na muthu. Mwomwo, ivwililenu, tachikiza echi jino, nge linoka kapwile wa mavandamavanda ko. Ikiye apwile umwechikuma wa “kuvanguluka” hali tunyama vosena vamuchipapa.

¹⁴⁶ Jino, Ngwayile na kumbata vikukulwishi, lelo, kufuma kwosena, kutala eli lizu, eli lya kuvuluka *kuvanguluka* omu lyalumbunukila. Lyalumbunukila “kupwa wautongwe, kupwa ukenya,” kaha, jila yamwaza ya kulumbununa cha—cha mu Hepelewu (kufuma m-a-h-a-h, mahah) kulumbununa “kupwa na chinyingi cha muchano cha jishimbi ja chiyoyelo.”

147 Jino echenu tatalenu hali echi munyutu kaha. Ikiye apwa wautongwe, wa ukenye, ohonyi ikiye vanamuvuluka ngwavo “linoka.” Oloze, anuka, ikiye apwile umwe wautongwe apwile muze, kaha kupwa nge wakufwana muthu kuhambakana kala chuma chosena chize chapwile muchipapa; wakuhata kuli muthu. Ikiye kapwile wa mavandamavanda ko. Chize changu chamulingishile kupwa wa mavandamavanda. Kahaikiye apwile. . .Eyi Mbimbiliya ngwayo ikiye apwile umwe wamwaza chikuma hali vosena.

148 Kaha numba changu kachahashile kufumisa kuwaha chenyi chosena ko; noho lili upahu waulombo wa linoka hanga wapwile wamwaza, na likoji lyenyi na kuzangama chenyi. Numba changu kachahashile kuchifumisa ko. Oloze, enu anukenu, Kalunga amulwekele ikiye nge mahinji eyi na amufuma kaha mwaza na kutambukila hali lijimo lyenyi. Kaha enu kaweshi kuwana chifuwa chimwe muli linoka chakulifwana na cha muthu ko, kaha aha hakiko sayasi yajimbala. Oloze uze haze.

149 Kalunga nachisweke echi kumeso ava vakamangana nava kakunangakana, kaha nashiki kuchisolola kuli vana va Kalunga, mumakumbi akumakumishilo omwo vana va Kalunga nava kasoloka, omwo, “vana va Kalunga vase vawahililile shimbu kanda kwala chikuku cha kaye.” Omwo chize kusoloka chachinene cha Ukalunga na vyuma vimwe omu navakavineha mumakumbi amakumishilo, Ikiye mwakaya nakusolola vyuma evi kuhichila muli vana va Kalunga. Enu munatachikiza Chisoneka chanangula ngocho. Kaha yetu hano. Ou ukiko mulonga Kalunga ali nakuphombolola vyuma evi kuli etu. Kalunga ali nakuneha vana Venyi mukusoloka. Ikiye ali nakuya nakujindama kuhambakana makumishilo akala chinyingi cha muthu, mujila ya kusoloka chamu jishipilitu, na kuneha na kushikumwisa Echi. Katwapwanga etu nakunangula echi ko, muli eyi Mbimbiliya, “Hano chili na ou ali na mangana”? Keshi nge ovyo ikiye alinangwile ku shikola yimwe ko; oloze ovyo ikiye alinangwile omu afukamine hamambuli kumeso a Kalunga, kaha ocho chamwivwushile Kalunga kuwaha kumuhana ikiye. Vana va Kalunga, kuvasolola!

150 Hano jino linoka, jino hano mukiko apwile linoka; Yami nanguya na kumihana kujimbula chami.

151 Etu tuli na. . .etu natushikumuka, kufuma kuchimbotwe, kutwala na ku livwovela, nakushikumuka na kushikumuka, *na munganji na mukananga*, palanga nomu natwiza naku soko, naku phombo. Kaha kufuma ku phombo, jino etu natutumbuka kufuma ku phombo kuya ku muthu, kaha etu natulikomokela mwomwoika.

152 “Chamwaza,” sayasi ngwayo, “jino vandamina! Etu tunahase kusemesa pwevo na soko na ’phombo, kaha chipwe kwalumuna, muthu kusemesa phombo.” Echi kacheshi

kuzachiwako. Semesa chipwe na kala kanyama mukwavo; echi kacheshi kuzachiwako. Manyinga kaweshi kununga ko; mbata manyinga ove, ali vene hamwe manyinga akuhandunuka, hamwe.

¹⁵³ Kuze kuli manyinga mukachi ketu, kaha vakiko kaveshi kuhasa kuwana kanyama ko. Mamalelo, Haleluya, Yami nguli nakwivwa nge ngulifukule hano jino. Tachikiza. Mwomwoika? Kalunga nachisweke echi kuli vakiko. Kuze kakweshi numba chifuwa muli linoka chize chinakusoloka nge chifuwa cha muthu. Ikiye ahaka vyuma kwakusuku ngachize vahone kuchiwana kuli vathu vautongwe.

¹⁵⁴ Kaha Yami nanguya na kumisolwela enu uze muthu wautongwe okwo afuma, okwo—okwo ikiye ali, kwosena. Talenu, ikiye keshi kwiza kuhichila muli echi ko.

¹⁵⁵ Echi chatela kwiza ha kusoloka, “Ove yove Kulishitu, uze Mwana uze. . .” “Hali eli lilolwa Nanguya nakutungilaho Liuka Lyami; kaha vikolo vya hetese kavyeshi kuhasako hachikiko,” kusoloka cha mushipilitu. Chapwile ngachilihi—chapwile ngachilihi na Avele atachikijile mwakuhana mwana mukoko, oloze Kena kuhana wana wa mihako ya muwande? Echi chapwile chakumusolwela mushipilitu ikiye. Ove kaweshi kuchitambula kuvikungulwilo ko. Ove kaweshi kuchitambula kuvikungulwilo ko. Ove nachitambula kufuma Mwilu.

¹⁵⁶ Jino tala uze linoka, ou linoka apwile watete. Echenu tufunde chifwanyisa chenyi jino. Ikiye apwile muthu wamunene. Ikiye ali mukachi ka phombo na muthu. Kaha, uze linoka; uze liyavolo, Lusifwa, atachikijile nge aze aze kaha akiko manyinga apwile anahase kulifutula na manyinga amuthu, muthu kaha ahashilenga kuzata nenyi. Ikiye kahashile kazata na pombo ko, aze manyinga kaweshi kuhasa kulifutulako. Ikiye kahashile kuzata na kala chumako. Ikiye kahashile kuzata na mukoko ko. Ikiye kahashile kuzata na chimbuluko. Kahashile kuzata na kala kanyama ko; ikiye azachile na linoka.

¹⁵⁷ Echa tumumbate ikiye jino kaha tutale omwo ikiye asoloka. Ikiye ali mukweze wamunene, kutaluka wakushikulu. Kuze kukiko vawanyine vifuwa vyavinene, kaha Nanguya na kuminyikila echi mu Mbimbiliya. Jino talisenu kanawa. Chosena chakwoloka. Ou mukweze wamunene, echa tuhanjike ikiye—ikiye apwile wamusuku, navifwiji vyavinene; asolokele vene nge muthu. Kaha manyinga eyi, hanyima yakushikumuka, kunungasana kanyama umwe kuli mukwavo; ove unahase kusemesa kanyama na kanyama; kaha nawapwa lika manyinga ahelu, chiyoyelo chahelu, chahelu, palanga nomu nachiheta museteko ya muthu. Oloze manungililo amakumishilo hano, mukachi hano, apwile akuvatula. Vangahi vatachikiza nge sayasi kayeshi kuhasa kutachikiza chuma chahonaho? Enu vosena

mwatachikiza echi. Mwomwoika? Hano jino ou, uze linoka. Hano jino ou apwile, mukweze wamunene.

Kaha liyavolo ashikumukile nakwiza, jino, ikiye ngwenyi, “Ngunahase kukuhizumwisa.”

¹⁵⁸ Jino, omwo enu namuya nakutala hali mapwevo na vilinga vya mapwevo, enu anukenu, vali vakuwavisa kuli liyavolo (kaha keshi puwoveko.)

¹⁵⁹ Tachikizenu, jino, liyavolo kwiza nakusuluka na kwingila muli linoka. Kaha awanyine Eva mulitepa lya Milemba, uselesele, kaha ahanjikile ha muhako uli mukachi. Kaha *mukachi* kulumbununa “hakachi,” kaha na vyangocho; enu munevushisa, muno muchikungulwilo chakulifutula. Kaha ikiye ngwenyi, “Jino, wachipepa. Wa mwaza mumeso.” Ika ikiye alingile? Ikiye aputukile kumushimba Eva, kaha ikiye alisavalile nenyi, nge lunga lyenyi.

¹⁶⁰ Kaha ikiye amwene chize kupwa chachipepa, shikaho ikiye ayile amulwekele nawa lunga lyenyi, oloze ikiye tele ali lyehi najimo, lya Satana.

¹⁶¹ Kaha ikiye asemene mwaneyi walunga watete, ukwechi lijina lya Kena, mwana walunga wa Satana.

“Jino,” ove ngwove, “echi chakuhenga.”

¹⁶² Chosena chakwoloka, etu natuya nakuwana kaha nge echi chakuhenga mokomoko nduma. “Kaha Nanguhaka kole mukachi ka Mbuto yove na mbuto ya linoka.” Ika? Ize mbuto ya linoka! Pwevo apwile na Mbuto, kaha linoka apwile na mbuto. “Kaha Ikiye mwakachika mutwe, kaha ove mukachika mukakukunya Kenyi.” Kaha *kuchika*, haze, kulumbununa “kuhana Mulambu.” Jino haze hakiko hali “mbuto” yove ya uze linoka.

Jino, tachikiza, hano hinavalovoka ava malunga vavali.

¹⁶³ Jino, ou linoka, omwo emanyine haze, ou mukweze wa kutaluka wamunene emanyine haze, ikiye afwile na mulonga wakulinga ujila na pwevo lya Alama. Yishili yakundamina hali lelo? Chuma muka chalingisa vyuma kupwa mujila vili lelo? Jino, Ngwa—Ngwa...Punduvene enu munahase kwivushisa echi Yami nguli nakuhanjika kaho. Kaha omu mukiko chapwile.

Kaha omwo ikiye alingile echi, Kalunga ngwenyi, aputukile kusanyika Eva na Alama.

Kaha ikiye ngwenyi, “Ngwapwanga uselesele.”

Kaha Ikiye ngwenyi, “Hiya nakulweke ove kupwa uselesele?”

¹⁶⁴ Kahajino vakiko vaputukile, kulitalatala, nakulihana mulonga umwe namukwavo. Ngwavo, “Chamwaza, ou pwevo Ovwanguhanyine, ikiye achilinganga. Ikiye vene angushinjilanga yami.”

165 Kaha pwevo ngwenyi, “Uze linoka anguhananga yami apo?” Chosena chakwoloka, mukakunangula, pandama kuli ove lyavene.

166 Pwevo ngwenyi, “Uze linoka anguhungumwisanga yami.” Munatachikiza *kuhungumwisa* omu chalumbunukila? Kulumbununa “kujilulula.” Nge omu apwile. Liyavolo kamuhanyine pwevo apo ko. “Ou linoka nanguhungumwisa yami.”

Kaha jino changu chejile.

167 Ikiye ngwenyi, “Mwomwo ove wunevulila uze linoka kuhona kwivwulila lunga lyove, ove wambatanga Kuyoya kufuma mukaye. Kaha ove nauya—nauya nakuvulisa ushona wove; kaha kwimita chove nachiya nakupwa kuli lunga lyove,” kaha na vyangocho.

168 “Kaha mwomwo ove wevwulilanga pwevo lyove, kuhona kwivwulila Yami (Ngwakwanjile nakukufumisa mulukungu; muyachi wahelu), mukaya nakukinduluka mulukungu.”

169 “Kaha, linoka, mwomwo ove walinganga echi, mahinji ove akufume. Halijimo lyove hakiko mukendelenga, makumbi ove osena akuyoya. Kaha ove navakakujinda. Kaha lukungu nalukapwanga kulya chove.” Tala echi. Echi chikiko chize chahoneneho.

170 Jino Kena himweza. Echa tatalenu ha visemwa. Hano himweza Kena. Apwile ikiye hiya? Ikiye apwile mukakusekasana wakuvangulunga. Ikiye apwile nakulima mawande. Wautongwe, wamangana; mukakulifukula, makakulifukula chikumakuma; tala hali ikiye—tala vilinga vyenyi jino. Tambuka kaha nayami muminyutu yayindende tuhu.

171 Omu ikiye akulile. Ikiye atachikijile mwachiyulo. Ikiye atondelenga kuya kuliuka. Ikiye amutungilile ikiye liuka, nakuhana wana wakulisakwila. Kuneha kamenga, na vyosena. Kutunga kamenga, kuhakaho jitemo. Kutumba wande...ize mihako ya muwande, ayihanyine kuli Kalunga. Ngwenyi, “Nge awa Ove, Mwata. Ngwatachikiza etu tweji kulyanga ma apo, nge akiko akokajo.” Vamwe vanaveyi vakwechi vishinganyeka vyovimwe. Ngwinyikilenu okwo yafuma. Kuneha ma apo eyi, kufuma muwande, nakuwahaka haze, ngwenyi, “Evi navipwa mulambu wahashili.”

Kalunga ngwenyi, “Kawapwile ma apo ko.”

172 Oloze, ha kusoloka chamushipilitu, Avele atachikijile nge apwile manyinga. Shikaho ikiye anehele mwana mukoko, kuvatula shingo yenyi, kaha afwile.

173 Kaha Kalunga ngwenyi, “Chize chakwoloka. Echi unalingi chikiko chalingile. Apwile manyinga.” Munatachikiza manyinga

muka Ngulinakuhanjikaho. Chosena chakwoloka. “Chize apwile manyinga alingile chize.”

174 Jino tala. Kaha jino omwo Kena amwene ndumbwenyi walunga mukakujila wakulyalanga vanamwitavila kuli Kalunga, kaha vinjikizo na vikomwesa vyapwile nakusolokele kuze, ikiye apwile na lwiso hali ikiye. Ikiye ngwenyi, “Etu natuya nakwimika echi chuma hano vene.” Tala hali vandumbwenyi vamalunga, tala hali vanavenyi, nalelo. “Jino, Yami wautongwe kuhambakana ikiye,” shikaho ikiye apihilile. Hamwe hali hafumine *kupihilila* chenyi? Mwahasa kwamba ngwenu chize kupihilila. . . ? Ikiye ajihile ndumbwenyi walunga. Ikiye apwile mukakujija.

175 Munahase kuvuluka Kalunga kupwa mukakujija? Kaha Alama apwile mwana Kalunga. Eyi Mbimbiliya ngwayo, uze, “Alama apwile mwana Kalunga,” kuze kunyima kwapwile kuputuka chitoma. Alama apwile mwana Kalunga. Kaha luze lwiso na lushiushiu, na vyosena, kavyatelele kufuma mumuhongi utomako.

176 Vize vyatela kwiza kuhichila muchihela cheka. [Ha tepu hapimbi—Muka.] Kaha chize chejile kuhichila muli Satana, ou apwile mukakujija, kukuputuka. Eyi Mbimbiliya ngwayo, “Ikiye apwile mukamakuli kaha mukakujija, kukuputuka.” Kaha mukiko chapwa. Kaha ikiye ajihile ndumwenyi walunga.

177 Kaha chize chikiko muyachi wakufwa cha Kulishitu. Kahajino, kusali yachize, eyo, Ikiye akatwile Sete kushisa muchihela chenyi. Kufwa, kufunda, na kusanguka cha Kulishitu.

178 Kaha tala, kahajino, hano mukiko mwejlilile vaze vakutaluka. Kahajino Kena ayile kulifuchi lya Note. Kachi ise apwile mukweze wa kutaluka wamunene, kaha Kena mwapwa ngachilihi? Tata yenyi. Kaha ikiye ayile kulifuchi lya Note, kaha ambachile naumwe hali va ndumbwenyi va mapwevo.

179 Jila kaha ikiye ahashile kulinga. Kuze kakwapwilenga mapwevo vekako vahashile kwiza ko, oloze kuvanga kuhichila muli Eva. Vakiko vavuluka nge vapwile na vana vamalunga na vmapwevo sevete. Kachi—kachi kakwapwile mapwevoko. . . Eyi Mbimbiliya kayasoneka mapwevo ko nge navasemuka, shina malunga kaha. Kaha nge, kachi kuze kakwapwile mapwevo ko shina Eva kaha, kaha omwo afwile, chisemwa chamuthu chatelele kukuma. Ikiye atelete kupwa na vana vmapwevo nawa. Kaha ikiye ambachile ndumbwenyi wapwevo.

180 Ikiye ayile kulifuchi lya Note kaha ambachile—kaha ambachile pwevo lyenyi. Kaha omwo ikiye ambachile kuze, kuze kukiko vawana vaze vakutaluka vavanene, vapwile vana va Kalunga vakuholoka; vaze vejile kuhila muli sevo, liyavolo, kuhichila muli Kena. Aha hakiko hali chize chahoneneho.

¹⁸¹ Kaha tala ize mbuto ya linoka. Jino tala. Anuka, mbuto ya linoka yapwa yakulifukula. Tala omu ili nakwenda jino, ha minyutu yayindende. Hano hinayiya, ize mbuto ya linoka. Chapwile ngachili navakiko? Jino echa yami ngutange chumachimwe hano, Ngwachisonekanga na musana uno.

¹⁸² Chize chejile kuhichila mumukana wa Avele? Iwwililenu kuli echi. Chosena chakwoloka. Kwejile Avele. Hanyima ya Avele kweza Sete. Hanyima ya Sete kweza Nowa. Hanyima ya Nowa kweza Sheme. Hanyima ya Sheme kweza Apalahama. Hanyima ya Apalahama kweza Isaka. Hanyima ya Isaka kweza Yakova. Hanyima ya Yakova kweza Yuta. Hanyima ya Yuta kweza Ndavichi. Hanyima ya Ndavichi kweza Kulishitu, ku kukupuka.

¹⁸³ Tala hanyima haze omwo Shipilitu ya Kalunga ya yoyele muli Avele. Tala omwo Ya yoyele muli Sete. Tala omwo Ya yoyele muli Yuta. Tala omwo Ya yoyele muli Ndavichi. Tala ha Shipilitu yoyimwe kusanyika, kuhichila muli ize mbuto ya kwoloka, kufuma kwosena kuze. Numbathu vakiko valingile ngachilihi, vakiko vapwile vakutongola.

¹⁸⁴ Tala hali Yakova, wamajilo...Kangweshi nakuhanjika echi nge chakuzeneka kalemesa ko. Oloze Yakova, muhuza wamundende, kukwachilila mwishi ya muzelele walihina lya naye lwola lwosena; na kujinguluka, kanyike walunga wakuzeya chindende. Kumuhaka vyuma hali ikiye, ayile na kuhungumwisa ise, mangana ambate kukisula; oloze vamuhanyineyo lyehi shimbu kanda kwala chihela chakaye kanda. Punduvene, chalingikile.

¹⁸⁵ Ayile kuze nakutwama kuli isewenu; kaha ambachile mitondo yakukasa, tumitondo twamokomoko, kutuhaka mumeya, kuvwisa woma va ngombe nge vakiko vanemita; kuvalingisa vakiko kusema vana vmapenga mapenga, mangana ikiye avonge mangana vambachilemo vangombe. Kalunga amukiswile ikiye mulichize. Echi chakwoloka.

¹⁸⁶ Mamalelo kuli kala muthu mwahanjika kala chuma hali Yakova. Munatachikiza chize—enu munatachikiza vaze tupolofweto vakwonga ngwavo...Mokomoko, ikiye apwile nakupolofweta mwakwoloka. Mbalamu, ikiye ngwenyi, “Wose mwamukisula na ikiye navamukisula, kaha wose mwamushinga na ikiye navamushinga.”

¹⁸⁷ “Ngwakumbachile ove, Yakova. Ngwamuwanyine ikiye nge...nge mulifuchi lyaungeji. Kaha nge omu ngonga mwasunga muuswa wenyi, Ngwamusungile ikiye na kumufumisamo.” Haleluya! “Keshi ha ngoloko, keshi ha undumeko, oloze ha Shipilitu Yami, mwanambe Mwata.”

¹⁸⁸ Tala chize chineza nakushikumuka na kukukupuka. Ize Shipilitu yejile na kuzata na kushikumuka na kukupuka muli Kulishitu, kushikumuka muli vosena va Kakuluka jetu, kwiza na kushikumuka. Numbatuhu vakiko vavambile ika, ocho

vahanjikile, ocho valingile, vakiko vapwile vene mbuto ya kwoloka.

¹⁸⁹ Kaha, hano, omwo mukalwoloka Apalahama...Upahu! Mamalelo, Nguli kaha nakuvwikana. Omwo mukakwoloka Apalahama aliwanyine na Meuchizendeke, Ou apwile Kalunga Ivene!

¹⁹⁰ Hiya ou Meuchizendeke? “Uze Mwangana wa Salema, ou apwa Mwangana wa Yelusalemu, Mwangana wa kuunda. Ikiye kapwile naise ko. Ikiye kapwile nanayeko. Ikiye kanda lyehi apwenga namaputukilo amakumbi, chipwe makumishilo akuyoya.” Mwose Omwo Ikiye apwa, Ikiye hanga ali nakuyoya. “Ikiye kanda lyehi asemuke. Ikiye keshi kafwako. Ikiye kanda lyehi apwenga tata mokomoko mama. Ikiye kanda lyehi apwenga na maputukilo amakumbi, mokomoko makumishilo akuyoya.” Ngulweke yami Hiya ou. Uze Kalunga Wahaya myaka; muli omwo mwose natumusanyika . . .

¹⁹¹ Mamalelo, Ngwavulyama omwo mwakuchivulukila chize jino. Theophany, ukiko uka. Chochimwe na kulifwana . . . Keshi nge tushimutwiji ko; oloze hichuma chimwe chinasoloka hatoma to. Nge omu Ikiye ejile kuli Apalahama kumbalaka yenyi, nge kangelo, kaha apolofwetele, kaha omu amulwekele Sala asehele, kunyima Yenyi, na vyangocho. Chize chuma, chuma chochimwe.

¹⁹² Kaha mukiko Ikiye apwile. Ikiye aliwanyine na Meuchizendeke. Kaha kaka- . . . wamunene kaka Apalahama, mu mbuto ya kwoloka, afwetele chamulikumbi kuli Mechizendeke; kaha vachihanyine kuli vazukulu kushikumwisa mwoyena, ize mbuto ya kwoloka.

¹⁹³ Jino hano jino mbuto hinaiza ize—ya uze linoka. Jino, anuka, kuze nakuya nakupwa kole, jita mukachi kavakiko.

¹⁹⁴ Ize mbuto ya linoka yejile lika, kaha yasemene chuma muka? Jino echa tumbate myaka yayindende yakulivanga. Jino tala ika yasolokele kuze. Chamwaza tanga echi hano vene, 'mwomwo Ngunachitale lyehi. Ize mbuto ya linoka yasemene Kena. Kena ayile kulifuchi lya Note, akasemene vakutaluka, kahajino vakiko vejile kulifuchi lya Nowa.

¹⁹⁵ Vakiko vapwile vautongwe, vakakutanga, vathu va mangana. Echi chakwoloka? Vakiko vapwile vakutunga, va kakutenga vyuma, va sayatisiti; keshi nge kuhichila mu mbuto ya kwolokako, oloze kuhichila mu mbuto ya Satana, uze linoka. Vakiko vapwile malunga nge—nge ma sayatisiti, na vakutunga, kaha vindume ja malunga, vakakulongesa. Chize Chisoneka chahanjika ngocho. Vakiko vafulilenga fwelu. Vakiko vafulilenga unengu. Vakiko vafulilenga vikungo. Vakiko tengelenga vyuma. Vakiko vakwachilenga havikungo vyavivulu, kaha vatungile jizuvo, na vyangocho. Chisoneka chahanjika ngocho. Kaha vakiko vapwile vakuseha Mbuto ya pwevo, Nowa,

uze wakwoloka. Echi chakwoloka? [Chikungulwilo ngwacho, “Amena.”—Muka.]

¹⁹⁶ Echa tuvalandule halutwe chindende. Kahajino, etu navawanyina kuze kuwato, vyuma vyosena va vyekele. Kuheta na kuseteko ya kulinunga cha shili, kaha vakiko vambachile kuyula, na utongwe na mangana chikuma. Palanga, nomu Kalunga atalile mwishi, kahasalile vavavulu vakulihonaho ko, shikaho Ikiye ambachile kaha Nowa na chisaka chenye muze muwato, kaha nakunokesa meya hamavu na kwenyeka vyuma vyosena. Kumbata Enoke helu, shimbu kanda. Echi chakwoloka? [Chikungulwilo ngwacho, “Amena.”—Muka.] Muze mukiko mpawile mbuto josena, mbuto josena vene; oloze Ikiye apwile na pungu yatelele kuzalishiwa.

¹⁹⁷ Jino, Nowa na vana venyi va malunga, vaze valovokele, Hamu, Sheme, na Yafwete, valovokele mumukana wakwoloka.

¹⁹⁸ Ize mbuto yengilile ngachili muze? Ize mbuto yengilile na muze muwato, chochimwe nge muze yengilile kukuputuka, kuhichila muli pwevo, mapwevo javo. Vakiko vambachile mbuto ya Satana, kuhichila muze muwato, nge muze Eva alongejekele ize mbuto ya Satana, na kusema Kena, kuhichila muli pwevo.

¹⁹⁹ Kaha enu namuvahaka mapwevo mukamenga mangana vapwenga vakakunangula, Mbimbiliya yapaisa echi! Paulu ngwenyi, “Kachi muthu mwashinganyeka lyavene ngwenyi kupwa kapolofweto, mokomoko mukashipilitu, echa ikiye atachikize nge evi Ngunasoneka jili jishimbi ja Mwata; oloze kachi kavitachizako, echa apwenga wakuhona kutachikiza.”

²⁰⁰ Ou ukiko mulonga Ngwafumine muliuka lya Mbaputishiti hano. Ndumbu walunga Fleeman apwanga hano hanyima tuhu; Ngwashinganyeka ikiye apwileko ufuku uze. Ndotolo Davis ngwenyi, “Ove imana hano mangana uwavise ava mapwevo kupwa vakakunangula.”

Ngwambile ngwami, “Kangweshi kuchilingako. Nduma, mwane.”

Ikiye ngwenyi, “Chamwaza, Nanguya nakukutapula.”

²⁰¹ Ngwambile ngwami, “Vanangumbili namuze mwamwaza.” Ngwambile ngwami, “Eli likiko Lizu lya Kalunga, kaha Linapayisa chuma kana. Kaha Kangweshi kuhasa kukwachilila kuli chize Kalunga napayisa ko.” Nduma, mwane.

²⁰² Wose eji kuchilinganga, alinakusolola nge vali vakakunangula wakwonga, tupolofweto vakwonga. Eyi Mbimbiliya ngwayo vakiko munavakapwa. “Kuhungumwisa na vaze vene vakusakula kachi chahashile.” Yove uze.

²⁰³ Tachikizenu echi jino. Kaha kusali ya chize, kahajino, kwiza Hamu, Hamu na puwenyi, na vakiko. Ikiye apwile na changu chapwile hali ikiye. Kufuma hali Hamu kwiza Nimrod, uze atungile Mbavilon. Mu Mbavilon mwalovokele liuka lya

Katolika, kuputuka chacho. Kwiza swi na kuli Ahave. Kwiza nakushikumuka kufuma kuli Ahave, na muli Yuta Sakaliyote; kukukulula, muli mukakole wakulishitu.

²⁰⁴ Kaha mumakumbi akumakumishilo, hano jino hakiko hali shipilitu wa mukakole wakulishitu na Shipilitu ya Kulishitu. Ize shipilitu ya mukakole wakulishitu, ngwenyi, “Aze makumbi avikomwesa ahita lyehi.” Ize Shipilitu ya Kulishitu, kuhanjika, “Ikiye ali youmwe zau, lelo, nahaya mwaka.” Ize shipilitu ya mukakole wakulishitu ngwayo, “Echi nachihandwa chauchiho kachi ove navakujimika muli ‘Tata, Mwana, Shipilitu Wajila,’ vakumwangile, vakusapwile, mwosena omwo na chipwa, echi chalumbununa chili chochimwe.” Eyi Mbimbiliya yahanjika nge Kalunga apwa wakuzeneka kuputuka na kukumisa, kaha Ikiye kalumukako. Ove nauya nakuzachila hiya? Echi chili kuli ove.

²⁰⁵ Jino ove ngwove, “Vakiko vanahase kutwama hamwe? Ove ngwove, echi, muze muwato, Ndumbu walunga Branham, ove wapwile navo vosena vavali na Hamu na Sete.” Echi chakwoloka, chili vene chakwoloka. Hamu apwile wamupi. Sete apwile mukulifukula kaha wakwoloka. Chosena chakwoloka.

²⁰⁶ Echa tulandule Hamu. Chosena chakwoloka, jino, muze muli Hamu na Sete muwato woumwe; umwe wakwoloka, kaha mukwavo wakuzeneka kwoloka. Muze mwapwile likololo na katela muwato woumwe. Muze mwapwile Yuta na Yesu muliuka lyo limwe. Muze mwapwile mukakole wakulishitu na ShipilituWajila muliuka lyolimwe.

²⁰⁷ Kaha, lelo, mashipilitu oamwe ali nakuzata. “Kupwa na kufwana chakumukomoka Kalunga, vakakulifukula vene, oloze kufwana chakumukomoka Kalunga na kukana Ngolo jacho; kuvyuma kana talisako nyima yove.” Ou Shipilitu Wajila, kuvuluka, “Yesu Kulishitu ali youmwe zau, lelo, na haya myaka.” Kusali muka ove musakula?

²⁰⁸ Uze mukakole wakulishitu ngwenyi chize *Ou* unapu mukanda wajishimbi ja vathu. “Etu tuya nakuhituluka Jishimbi javathu ja va Positolo.” Ngunakunyukisa mukakunangula wosena kungulweka yami okwo Jishimbi javathu ja va Positolo vajiwana mu Mbimbiliya: “Ngwafwelela muli Kalunga, ou Tata Wakulitulaho, ou Tengi wa melu na mavu; Yesu Kulishitu, Mwanenyi Walunga. Ngwafwelela mu Liuka lya Katolika lya ku Loma lya Kujila, mukulikata chavakujila.” Kuli enu namuwana chize mu Mbimbiliya? Oloze enu namuhitulukamo mumauka enu amanene mu Mesondisiti na mu Mbaputishiti. Echi chinapu jino kunangula cha liyavolo, kaha tupolofweto vakwonga vali nakunangula echi.

²⁰⁹ Kaha Ngwafwelela Kangweshi na kulemeka kwivwa chenuko, oloze Nguli nakushindaka hali echi muno mu mbalaka. Enu muno mu Mbalaka ya Branham, lihendenu kuvyuma vya ngana. Kala chuma chize chafwelela mukulikata chavakujila

chinapu kulemesa vakishi. “Kuli kaha umwe napu lihako mukachi ka Kalunga na vathu, kaha ou ali Lunga Yesu Kulishitu.” Kangweshi kuzakamako va Maliya vangahi vali muze!

210 Talenu omu mbuto ya pwevo kunyima omwo yalingile? Talenu omu mbuto ya pwevo yayile nakununguluka?

211 Tala lelo, mu America. America apwa mbuto ya liyavolo. Chuma muka? Ikiye pwevo walifuchi. Enu munevu, “Ou ali pwevo wakaye.” Echi chakwoloka. Apwa pwevo walifuchi. Vakiko vahaka chakutalilaho.

212 Ngwayanga kuze hano, kahashimbwile chikumako, mu Switzerland. Mapwevo kuhanjika...Umwe wamundende, pwevo wa Shipilitu Wajila ngwenyi, “Ove unatachikiza, kachi Nanguya mu America, vakiko navamba ngwavo mapwevo vali vakukasunuka.”

213 Ngwambile ngwami, “Echa ngukulweke ove okwo echi nachikutwala.” Kaha Ngwaputukile kumulweka ikiye.

Ikiye ngwenyi, “Mamalelo, keke, Kangwazangile chuma kanako.”

Ngwambile ngwami, “Echi kukiko nachikutwala.”

Munatachikiza, vakiko kavalinga vyuma kuze nge omu muli nakulinga kuno ko.

214 Chuma muka echi? Echa yami nguminyikile enu nge America apwa pwevo. Ha ngwee yetu hali chifwanyisa cha pwevo. Vyosena muno vili pwevo.

215 Ngulwekenu yami, muno kamweshi vakakutunga wala vakutamo muno mulifuchi, munahase...Enu hakenu vakakutunga wala fwote kulinunga muli ino mbongi, kaha hakenu mahule vatatu, mapwevo vali nakusoloka kanawa vaze vanakuchinginya vavane omu mujila; vakiko navaya nakutuma myono yayivulu ku hetese, ha kuvafwila vakiko, kuhambakana vakakutunga wala vakulinunga muno mu mbongi. Echi chili vene chakwoloka.

216 Napu hiya jinonyi? Ali pwevo. Kaha ikiye hiya? Ikiye kalunga wa America.

217 Mbata vamwe ava vakavisela va mwaka; vakiko kukatuka na kumbata kapapa kawana mokomoko katanu, kuyoya na malunga veka vakuhandunukavatatu mokomoko vawana lwola lwolumwe; kaha mapepa amwe amivwimbimbi kuvasolola na kuvalweka vakiko, kumbata vifwanyisa vyavo vyaueselesele nakusolola. Kaha enu vanyike vmapwevo vavandende kumbata chize nge chakutalilaho, (mwomwoika?) mwomwo mama yove kumeso ove, pamo, kakayove kumeso ove. Munamono omwo mbuto ya linoka omwo ili nakuzata? Punduvene, mukiko chili.

218 Kaha yinalingi chuma muka? Kachi upapwoke watela kutambukila visemunuino fwoteni, kutesekesa na jishimbi, upapwoke naupwa ngachilihi kachi vautambwokelele mulikumbi lya lelo, nge mbuto ya wakwoloka ili hakamwihi nakuzata? Kaha Kalunga ngwenyi kuli na kwiza lwola, kachi Ikiye kavatwile milimo yenyiko, kaha kakweshi chuma chimwe nachisalahoko. Etu tuli mulwola lwa makumishilo. Tonda vakakwoloka ufuku uno; yako nakuhita mu mbongi!

219 Mamalelo, namuwana mamembala valiuka vali vakushishika mu Mbaputishiti na mu Pulishiteliyani, kaha na vyangocho, nge omu chapwa. Oloze vakiko kaveshi nachakulinga na Kalunga ko kuhambakana na mbwanda mwejiva mwakuvwalila sapatu yameya amakaza. Kavatachikiza nachuma chimweko hali Echi ko! Vakiko vatachikiza kaha: “Ove umuka Kulishitu?”

“Yami ngumuka Katolika.”

“Ove umuka Kulishitu?”

“Yami ngumuka Mbaputishiti.”

“Ove umuka Kulishitu?”

“Yami ngumuka Pulishiteliyani.”

“Ove umuka Kulishitu?”

“Yami ngumuka Pendekosita.” Echi kaweshi kuhasa kulinga chuma chimwe na Echi ko.

220 Ove umuka Kulishitu mwomwo Kalunga, ha likoji Lyenyi, akulwila ove. Kaha munatachikiza Echi. Kaha chuma chimwe chinalumuna chiyoyelo chove, mangana uyoye mwakuhandunuka. Kaha ove uli muthu na tengeso yayihya muli Kulishitu Yesu. Punduvene.

221 Oloze munamono okwo yili mbuto ya linoka? Mbuto ya linoka yapwile chuma muka? Ujila. Enu muli nakukavangiza? Ujila na Eva. Chasolokele ngachilihi kuyikiko? Chuma muka yachinehele? Yili chuma muka ufuku uno?

222 Tala kunyima kuze, mwaka yayindende hanyima, omwo mwaso watete walovokele. Enu vathu vachikulwane, omwo ize. . . Vakiko vapwilenga na kutachikiza chatete shimbu kanda vaweche vawimbe hachisaji chamyaso. Kaha umwe watete walovokele, wapwile ngana, “Roll ’em, girlies, roll ’em, kulwekesa mambuli ove amwaza,” kaha na vyosena ngocho. “Kuseha hali ta na ma, nakuvahana vakiko ‘ha-ha-ha!’” Uze ukiko wapwile umwe wakulivanga kulovoka. Unashinganyeka nge uze mukweze ali kulihhi ufuku uno uze asonekele uze mwaso? Ikiye afwa lyehi.

223 Ove mushinganyeka ika na Clara Bow, uze ejile nakupwa watete kaha ngwenyi, *Jikona Japonde*, kaha kulizula chize chatumine ma sauzande amyono kuhetese? Ove washinganyeka

ngwovo ali kuli ufuku uno? Ikiye afwa lyehi lwola lunahichi. Ikiye ali kulihi, na uze mujimba wenyi? Wasavala kuze, wakutakiwa mulukungu, kaha jindulo na mavunu vanauli nakutuva. Kaha myono wenyi kuli kuze kumeso a Kalunga.

²²⁴ Uze lunga amumbachile uze pwevo na kumutungila vize vyakuvwala vyakusoloka majilo apwilenga nakuvwala, mangana avishijikile kusali imwe na sali ikwavo, na kuzeneka kuvatela? Ngwenyi, “Vakiko vachilingile chize chaka? Mwomwo ika kuvwalila vize vyuma kana?” Mwomwo watondo malunga vatale hali ove, kaha kakweshi jila yekako yakuchijikiza echi.

²²⁵ Kaha unatachikiza nge ove mulinga chize, kaha vakashili vamwaka navatala hali ove, unatachikiza omwo nachisoloka? Kuze Kuchipamba cha Kusopesa... Ove ngwove, “Ndumbu walunga Branham, Yami nguli wakushishika kuli lunga lyami nge omo ngwapwa.” Ove navakakulava namulonga wa kulinga ujila. Yesu ngwenyi, “Wosena mwatala hali pwevo na kumuvwila lushiushiu nalingi nenyi ujila mukachi ka muchima wenyi.” Omwo uze lunga mwakakumbulula ha kulinga ujila, hiya mwakaya na kupwa kokajo yachize? Omwo mujila ove muvwalile na kulisolola ove lyavene.

²²⁶ Jino, Kangwambile ngwami mwatela enu kuvwala nge chuma chimwe chikwavo chakufuma mu chimbokoshi cha koloko. Oloze, enu mwatela kusoloka nge pwevo wakalemesa.

²²⁷ Kaha kulovoka muno na kuzula, tuputula twenu twatwihi, na kukasamo kamuhya kakandende nge *ngana*, na kema ali na meso nge chikwama cha likanya, na likanya mukanwa kove, kutambuka nakuya mumukwakwa. Ove kawatela kuli kulinga muzeko chakuzeneka punga yamwaza. Ove unahase kupwa wakuzeneka mulonga hali chuma chamuchano, oloze liyavolo ali nakukuzachisa ove kupwa chitwa chochimwe nge omu ikiye alingile na Eva.

²²⁸ Mwomwoika lili lifuchi lya pwevo? Mwomwo echi chili nakutwala nakuya nakupwa chikungulwilo cha Katolika. Mwomwoika chili lelo? Kaweshi kavevwa kuvuluka Yesu. “Vulye Maliya! Maliya, naye ya Kalunga! Mukakujila Cecilia!” Yosena oyo miyachi ya vakakujila, vakakujila vakufwa. Hano keshi kunyima chikumako, kunyima ku... .

²²⁹ Ngwayile na kushikumuka ku Mexico, mwakawali. Kwejile pwevo wakuhutwa, na kulikoka. Mambuli eyi, osena akutumuka ngana, kaha wakutumuna; na kulila, kaha nakwate mavoko enyi. Kaha ise apwile nakumukavangiza, ambachile vana vavandende vavali, vakiko vapwile nakulila; mama alinakuyanda ngana; 'mwomwo ya pwevo umwe, uze vavulukilenga ngwavo mukakujila, afwile. Vakiko vapwile na chiwumba chenyi helu hapili. Kajila kenyi umwe ikiye amujile. Kaha hazevene ikiye omu vamujihile ngachize, eyo, ikiye himwapwa mukakujila; apwile muka Katolika. Shikaho jinonyi ou pwevo apwile

nakuya, nakulikonekela; kaha ikiye atele kukuluva tando yayisuku, kuhita hamalolwa, nakuya nakulikonekela.

²³⁰ Ndumbu walunga, kachi nge kuli chuma chimwe chize Ngwatela kulinga, kaha Yesu Kulishitu afwa chamokomoko. Likoji, Vanangulwili; kaha keshi ha—ha liyami lyaveneko, oloze ha punga ya Kalunga, na ha kuwaha cha Kalunga.

²³¹ Vaze mitoloki vanguhulile yami, ngwavo, “Mukulwane. Branham...” Uze—uze wamundende, kamba wakufwa nasanguka ali wakuyoya, na vyuma vimwe kuze. Vaka Katolika seti sauzande...Nduma, Ngukonekelenuko. Vapwile twende sauzande. Seti sauzande yapwile mu Africa. Twende sauzande vaka Katolika vamutambwile Kulishitu kupwa Mulwilo wavo, ha lwola lumwe, omwo chize chasolokele, kwimana mu Mbongi ya Mexico. Kaha vaze tupilishitu, vakiko kavahashile kuhanjika chuma chimwe ko; vavavulu, veji kuputuka ndombo. Vapwile vavavulu kuze kusali. Shikaho ikiye ngwenyi, “Mukulwane. Branham, ove wafwelela nge vakakujila jetu vanahase kulinga chuma echi unakulinga ove?”

²³² Kutachikiza kunangula chavo, Ngwambile ngwami, “Punduvene, kachi vali vakakuyoya.” Talenu? Shikaho, ove kaweshi kupwa mukakujila muka Katolika ko kuvanga unafu, munatachikiza.

Shikaho ikiye ngwenyi, “Mamalelo, ove kaweshi kuhasa kupwa mukakujila kuvanga unafu.”

²³³ Ngwambile ngwami, “Ove chize wachitanga hali? Paulu ngwenyi, ‘Kuli vakakujila vali ku Efwesu,’ na avavasanyika lyehi kuli Kalunga. ‘Kuli vakakujila avavali ku Efwesu,’ ikiye apwile nakutanga mukanda wenyi ivene; kaha vakakujila vapwile kuvihela vyeka, ku Ngalesha, kaha—kaha ‘va kakujila ku Loma,’ na vyangocho. Vaze *vakakujila*, ‘vaze vamwe vakujilika.’ Nyi echi nawa?”

²³⁴ Ikiye ngwenyi, “Eyo, jino, etu katwatelanga kulipula jipamiko ha Mbimbiliya. Mwomwo, etu tuli liuka, kaha chose ocho liuka navahanjika. Etu katwazakamako mweshomwo nayihanjika Mbimbiliya. Shina omu nayihanjika liuka.” Ngwelyo, “Kaha kushinganyeka chove jinonyi hali Katolika chika?”

²³⁵ Ngwambile ngwami, “Ngwashingtonyeka ove kawatelanga kunguhula yami muzeko. Mwomwo wanguhulu yami, kaha Nanguya nakukulweka ove Muchano.”

Ngwami, “Chamwaza, Ngwakutondo kukulweka ove Muchano.”

Ngwambile ngwami, “Chize kuzezuka chahelu cha kulifukula vakishi Ngwatachikiza.”

Ikiye ngwenyi, “Ove unachiwane kulihi echi?”

²³⁶ Ngwambile ngwami, “Kala chuma chize nachimana mulipwata navafu chili mukishi.” Ngwambile ngwami, “Kachi uze mukakujila mwahanjika, kaha alimuhetese. Mwomwo, vaze vanazauka musali, Mbimbiliya yami—yami ngwayo vaze kaveshi kuhasa kukinduluka kunyima ko.” Echi chakwoloka. Kaha Ngwambile ngwami, “Kachi mwahasa, kachi apwile mukakujila, uze ali liyavolo kuhanjika nge mukakujila, kaha keshi mukakujila ko, mwosena.”

²³⁷ Kaha ikiye ngwenyi, “Chamwaza, jino, munyutu kaha chundende.” Ngwenyi, “Ove weji kwimana mulipwata na vafu, nawa.”

Ngwambile ngwami, “Kulihi?”

Ikiye ngwenyi, “Yesu Kulishitu afwile.”

²³⁸ Ngwambile ngwami, “Oloze Ikiye asangukile cheka. Ikiye keshi wakufwako. Oloze Ikiye ayoya, mangana kutwimanyinako, kaha umwe kaha lihako mukachi ka Kalunga na vathu.”

²³⁹ “Ami Yami uze afwile, kaha ayoya cheka, kaha ali wakuyoya hama myaka. Nguli na jisapi ja kufwa na hetese.” “Wosena mwasaka, echa ikiye ezenga na kunwa chawana kumeya a Kuyoya.” Yami! Uze ikiye Kalunga ketu. Uze ikiye Kalunga ketu.

²⁴⁰ Kaha eyi mbuto ya kwoloka linwaha yifumeko. Hanjika kuli vathu hali evi vyuma kana. Hanjika kuli vathu ha kukinduluka cheka ku mujila ya Mbimbiliya. Hanjika kuli vathu ha vikomwesa. Hanjika kuli vathu ha chize. Avo “liuka kalyeshi kuhasa kufwelela echi Ko,” shikaho vakiko vali vana vamuujila, kuli Kalunga. Eyi Mbimbiliya ngwayo kachi etu katweshi kuhasa kuhita muluyanjisako, na vyeseko, kusekeleka, na ovyo vavuluka “vakakujila vakakulyalanga” kaha na vyangocho, nge ngocho, kachi ove kaweshi kuhasa kwimanako echi, ove uli mwana waujila, kaha keshi mwana Kalunga ko. Eyi Mbimbiliya yanjika ngocho.

²⁴¹ Ngusanyike “mukakujila wakulyanga,” kachi unatondo kulingamo. Ngusanyike mwosena omwo unatondo. Chikalu kaha muchima wami uli wa kwoloka na Kalunga, kaha kuhitamo chami chinendele hamwe na Mbimbiliya ya Kalunga, Yami nguli nakuya mwakwoloka kutalikisa mwomumwe. Eyo, mwane. Omu mukiko etu twafwelela. Eli likiko Liuka lya Kalunga wakuyoya, eli kalyeza na kutanga chashikola ko. Eli kalyeza na kutanga cha vathu, kwivwushisa cha kutanga ko. Echi cheza na kusoloka kaha cha Muchano wakuvuluka Yesu Kulishitu kupwa Mwana Kalunga.

²⁴² Kachi Ngwapwile kaha na kwivwushisa cha kutanga, mwomwo liuka lya Mbaputishiti mokomoko liuka lya Mesondisiti lya ngunangwile yami nge echi *munganji na mukanangaha* vyuma vimwe, omwo Nangwivwa eyi Mbimbiliya, kachi Mbimbiliya... Kachi Vangujimika mu lijina lya “Tata,

Mwana, na Shipilitu Wajila,” kaha tanga eyi Mbimbiliya, kaha mukakunangula angulwekele yami ngwenyi kakweshi umwe mu Mbimbiliya vajimikaho lyehi ngana shina mu Lijina lya Yesu Kulishitu, kaha Ngwatanga echi kaha ngwamono nge ou ukiko Muchano, Nanguya mumeya washi washi omwo Nanguhashila. Eyo, mwane.

²⁴³ Kachi muthu umwe angulwekenga echi—echi Yesu Kulishitu apwa mukakuka wamunene, kaha liuka lyami lyangulweka nge, “Makumbi avikomwesa ahita lyehi,” kaha Ngwatondewa kuka, Nangulaha washi washimwosena omu Nanguhashila, kuya kukamenga, kuya nakutambula kuka. Nanguya punduvene.

²⁴⁴ Kachi Ngwapwile mukakungula, kaha ngwapwile na—na mukakunangula wapwevo mukamenga, kaha Ngwatange mu Mbimbiliya na kumona nge pwevo katela kunangulako, Nanguya nakumufumisako kuze, kachi echi nachimbata lilambu lya nyima yami.

²⁴⁵ Kaha anuka, kutwama kunyima kuze ali Ndumbu wa pwevo Wright, ufuku umwe, kaha pwevo umwe apwile na kuya na kungumbila yami kuweluka wa chikolo hakulinga chuma chimwe nge echi. Eyo, mwane. Ngwambile ngwami, “Ove kaweshi kuhasa kwingila muliuka lyami ko na vyo vyamwaka...” Omwo vakiko vapwilenga na kuvwala, mokomoko kuteta jikanji javo kuhetesa aha ngana, kaha nachize kusoloka chakuhona kutela, kaha na chimbwa cha mijimba yavokuyisolola kuweluka. Ngwambile ngwami, “Vakiko vaneza kuliuka lyami, Nanguya vene nakuvalovolamo.” Kahavamwe vamwaka tuvana twavyema twatundende kwingila muze, ikiye afwile kashimbwileko hanyima yachize; kaha jinonyi ikiye angusanyikile yami, apwile na kufwa. Ikiye apwile kanyike wapwevo wamu Katolika, atambukile nakuya nakutwama na tuze tuvana ngachize. Ngwatalile kunyima kaha Ngwamushishikile nakumusondwesa, haze atwamine, kaha vakiko vapwile na kwimba. Ngwafumishile chashi chami, kutambuka nakuyako, kuyihaka kuvifwiji vyenyi. Ngwambile ngwami, “Ndona, kachi ove uli nakuya nakungwivwulila yami omu nanguya nakunangula, mwane vwala echi chashi shimbu uli muno mu liuka lya Kalunga.” Talenu? Punduvene.

²⁴⁶ Ikiye atutumukile kufuma muze, kaha atatuwile yize mivumbo yayindende helu. Ikiye alovokele nakufuma muli ize zuvo. Ikiye ngwenyi, “Kachi ikiye akwechi kulifukula kana, Kangweshi kwechela ngombe yami kupwa na chize kulifukula kanako.”

Ngwambile ngwami, “Kanda kulizakaminako, ikiye keshi kuhasa kupwa nachoko.”

²⁴⁷ Kaha twapwile na mbalaka, vakiko vangusanyikile yami omwo apwile na kufwa. Ikiye apwile na kukola muchima, kaha apwile nakuya nakufwa. Lunga lyehi ejile. Ikiye,

“Unahase, twaya washi washi!” Kaha Ngwapwile vene muze mukukunguluka. Wamunene, wamusuku kanyike walunga, kwimana kuchikolo, kunguvandamina yami. Kaha Ngwalahile mwosena . . .

²⁴⁸ Ngwengilile mumotoka na kulahilako kuze. Omu Ngwapwile nakuyako, Ngwaliwanyine nauze nasi umwe wamwaka kuze, uze atwama kuze ku Howard Park, ohonyi. Ikiye ngwenyi, “Wamulemu, kawatela nakwizako.” Echi chasolokele munahichi na myaka twende kunyima, pamo chindende ngocho. Ngwenyi, “Ikiye nafu lyehi.” Ngwenyi, “Ikiye nafu munahichi kaha munutu yitatu.” Ngwenyi, “Ikiye natetenga chikuma kuma nge omu ahashilanga kuteta, hali yove.” Ngwenyi, “Ngukwechi mujimbu wove.”

Ngwenyi, “Ika?”

²⁴⁹ Ngwenyi, “Ngulwekele uze mukakunangula, nge hali chize Ngwahanjikile, ‘Mwane angukonekeleko.’”

²⁵⁰ Ngwayile kuze na kutala hali ikiye. Pwevo wamwaza; kaha ikiye nayande chikupu. Ikiye apwile na tumapenga hamuzulu wenyi; pwevo wamwaza. Kaha aze mapenga, asolokele nge, alovokele chikuma. Kaha meso eyi atutumukile osena nakulovoka muchikola, kaha apwile chimbwa anakinduluka kuyima. Eyo, jimo na jiso jenyi vya kandukile kwilu, kaha mbundu yapwile nakukakumuka hakahela hosena, nge ngana.

²⁵¹ Kaha lunga lyenyi atalile hali yami, ngwenyi, “Ndumbu walunga Branham, lomba, ’mwomwo ikiye atondanga akumone ove.”

Ngwambile ngwami, “Lilombo oholili kalyeshi kupwa lya mwazako.”

²⁵² “Mujila uze mutondo unakundamina, mukiko mujila nauholokela.” Talenu? “Kanda navakamihungumwisako; Kalunga kavamuhendako. Kala chuma chosena ocho muthu mwakuva, chikiko mwakaha.”

²⁵³ Mwamono oho chili? Jino chuma muka chasolokele? Tala hali pwevo uze mwalinga chize. Tala hali pwevo uze ayoyele kunyima kuze, kanyike wapwevo wakwimba, mwanenyi wapwevo apwile hiya? Pwevo wakuvwala twatwihi. Mwanenyi wapwevo apwile hiya? Kanyike wakukinakina. Mwanenyi wapwevo mwakaya nakupwa hiya? Huu! Chuma muka?

Talenu ize mbuto ya kwoloka?

²⁵⁴ Tala hali enu va Mbaputishiti. Yako kunyima chindende. Yako kunyima kuli John Smith, uze aputukile liuka, enu va Mbaputishiti. Omwo, ikiye alombelele upapwoke wa vathu, palanga, ikiye alilile na kulombelela vathu palanga na meso enyi ajimbile nakusoka, kaha puwenyi amulishile ikiye kumesa, kulya chenyi chachimene.

255 Kaha enu va Mesondisiti, muli hano, na tupata mumazulu enu na kumatwitwi enu, kaha ali nakusoloka nge mwakulyachila uze ali ha kavalu ka liyavolo; kaha alinakuya, na vwale putula, na vyuma vyangocho! Omwo, John Smith wamwaka, umwe hali vaze vakulwane vamuze muliuka lya Mesondisiti, shimbu kanda afwenga ha myaka eyite faifi, anangwile mujimbu wawihi ha myaka yiwana, mokomoko, jiola jiwana. Vakiko vamumbachilenga ikiye nakumutwala mukamenga. Kaha awa akiko mazu enyi amakumishilo. Ikiye ngwenyi, “Yami ngunalikomokela ha vilinga vya liuka lya Mesondisiti.” Ngwenyi, “Navana vama pwevo vamu Mesondisiti vali na kuvwala tuzeya twaulu haminwe yavo.” Kachi mwahanjika lelo jino, vanavwale jiputula, na kwimba mulizavu lya vakakwimba?

256 Enu mwalahile kanawa. Chuma muka chasoloka? Enu muli nakulinga nge manenu. Mukiko vene chili.

257 Ou ukiko mulonga etu katwazangile vimwe evi vikungulwilo kupwako nge ngana, ha, kupapalila hano: “Etu tuva Mesondisiti. Etu tuva Mbaputishiti.” Etu tuli kaha Vakakulishitu. Visezenu ngocho vene, pwako wakukasunuka.

258 Jino, talenu ize mbuto ya linoka? Pwevo ngana na kaze kakukwashisa vyuma kulovoka? Chize nachilinga ika? Ika? Vakiko vatwalileho lika, kwiza na kushikumuka. Vakiko vashinjikile va Mbaputishiti hanyima, vashinjikile va Mesondisiti hanyima, vashinjikile va Pulishiteliyani hanyima. Vakiko kachi vanalingi ika? Vakiko vosena vakindulikile kunyima, nge va mama javo, uze lihule wa mwaka. Muze mukiko vali vosena, nakulinga uhule woumwe. “Chamwaza, echi kacha nehele chihandwako. Vakiko vana vengisa mumeya. Vakiko vanasapwila meya. Vakiko, vosena vananeza, vanalikonekela. Vakiko vavatalilileko mutukweji sikisi; vakiko kavanuine wala chikumako muli luzu lwola, navyangocho. Vakiko vanapu va membala vamwaza. Vakiko veji kufweta mwamwaza...” Mamalelo, yami! Echi na chuma chimwe na mihako ya Shipilituko.

259 Mihako ya Shipilitu ili “lufwelelo,” kufwelela Yesu Kulishitu kupwa chochimwe zau, lelo, na haya myaka; “zangi” ya vandumbwenu; “kuwahilila, kuunda, kuvandamina chikoki, kuwaha, utongwe, kukakachila, kuvova, kutetela.” Evi vikiko vyuma, mihako ya Shipilitu.

260 Kaha natumbata muthu, “Chamwaza, ikiye—ikiye mwayoya chiyoyelo chamwaza navaze alihata navo.” Shikaho mukiko alingile na Esau.

261 Esau kakolesele muthu naumwe pimbi, oloze Esau apwile wa liyavolo; oloze Yakova, wakufuma mulijimo lyolimwe, apwile wa Kalunga. Ize mbuto ya liyavolo; ize Mbuto ya pwevo, ize Mbuto ya Kalunga yejile muze vene.

262 Jino, munamono, echi chineza lika na kuli echi, yinasalila kulihiki kukaye lelo? Yami nanguya nakuhanjika echi nangolo josena, nakuneha echi, kahajino etu natuya nakuputuka kuhizumuka hanyima ya echi, mukuliwana chetu chikwavo. Echi chatela kutunga. Kaha, mwane, Kangweshi na kuhanjika echi nge chakuzeneka kalemesa ko. Kangweshi kuhanjika kulumbununa. Echi chatela kupwa na chihela, kupwa chachinene, lizavu lya kulifukula lya vanavaujila, vanavaujila. Aha hakiko hali kuhanjika chamakumishilo. Echi chili omu chineza nakupwa. Munatachiza nge ou ukiko muchano. Echi chineza kuchihela palanga kulinunga muliuka na membala wa liuka, “Kupwa na chifwanyisa cha kufwana kalunga, kukana Ngolo jacho,” palanga nomu nakwiza na lizavu lya vakakulifukula, vana vaujila. Echi chilivene chakwoloka.

263 Chuma muka chasalileho? Kuze kuli ndeke yajita yinasukama kuze, jajivulu, mitelembe ja cobalt na vyuma vyosana. Vakiko vali kaha nakuvandamina hali ize ola ihete. Kaha nakuya nakupwa lwenyeka na kakahya, nge muze chapwile na meya.

264 Kaha, masepa, kalachuma enu na mulinga, kachi ove uli Mukakulishitu kaha uli na Kalunga mukachi kamuchima wove, kaha ove unatachikiza unahichi kufuma mukufwa na kuya mu Kuyoya, ove watela kupwa muthu wakuwahilila chikuma muli kano kaye.

265 Nge Shipilitu Wajila ali muli ove... Omwo Mbimbiliya ngwayo, “Yesu Kulishitu ali youmwe zau, lelo, na haya myaka”: eyi vikungulwilo ngwavo, “Oloze etu twafwelela nge vikomwesa vyahita lyehi”; eyi Shipilitu Wajila ngwenyi, “Amena, Yesu Kulishitu ali youmwe zau, na haya myaka. Shikaho chipwenga ngocho.”

266 Kachi Mbimbiliya ngwayo, “Pihililenu na kwalumuka, kaha va mijimike muthu hi muthu mu Lijina lya Yesu Kulishitu chakuneha kumikonekela jishili jenu, enu namutambula Shipilitu Wajila. Mwomwo elu lushiko luli kuli enu, na kuli vana venu, na kuli Vakamafuchi eka na eka, vosena vaze vali kwakusuku, vavavulu veshovo mwakasanyika Mwata Kalunga ketu...” (Voshovo vavavulu vaze Mwata Kalunga ketu mwakasanyika, talenu, keshi vavavulu mwakasanyika va Mesondisiti, kusanyika va Mbaputishiti, oloze vavavulu vaze Mwata Kalunga ketu mwakasanyika, navakaya na kutambula Shipilitu Wajila, kaha vapwenga va kujimika mu Lijina lya Yesu Kulishitu, muze yayanjika Mbimbiliya): omwo echi na chikwata hali ove, ove ngwavo, “Amena!”

267 Liuka ngwavo, “Mamalelo, echi kaheshi chihandwa ko.”

268 Oloze ou Shipilitu Wajila muli ove mwamba ngwenyi “amena” ku Lizu Lyenyi.

269 “Muthu keshi kukayoyela ha mbolo kaha ko, oloze ha Lizu lya kufuma mukanwa ka Kalunga.” Ove uze.

270 Ngwakutonda enu mungwinyikile yami Chisoneka okwo vavuluka ngwavo apo ikiko yaputukile vyuma evi vili nakuya lika noholyapwa. Ngwakutonda enu mungwinyikile yami nge vali maapo. Ngunamilwekesa enu nge na Kena ashinganyekele chuma chochimwe, kaha na mbuto yenyi noholyapwa ili na kushinganyeka chuma chochimwe.

271 Oloze kusoloka cha mushipilitu cha Kalunga chenjikiza, na Mbimbiliya, nge chapwile kulisavala mukachi ka lunga na pwevo, chakuzeneka kuvetavila. Aha hakiko hafumine vaze vakutaluka. Aha hakiko hafuma shili yenu. Aha hakiko hafuma kupola chenu. Aha hakiko echi yafuma.

272 Tachikizenu mu vyuma vyosena evi—evi, tala, uze—uzelinoka wamwaza kapapa kavali. Na mbuto yenyi yinapunga lwola lwosena va mwaza kapapa kavali. Kaha Nguli nakutonda kuyina helu lya ou kamenga na kukwata eyi microphone mulivoko lyami, na kujika chimbundo chami aha hakamenga, na kuhanjika echi. Kaha, lelo, vakakatanga jenu vavanene vali kulihi? Kafunga kenu uze ayile nakutambula chinyingi cha kutanga, kaha himwemana; ikiye apwa kafunga wa mauka amanene ali muno mulifuchi, kaha na vyangocho. Nyi mbuto ya linoka yinemanyina kulihi? Mu vihela vya mangana autongwe nge ngana; utongwe, kuzangama chashikola. Haze hakiko ikiye ali. Aha hakiko ikiye ali.

273 “Keshi ha ngoloko, keshi ha undume ko, oloze ha Shipilitu Yami, mwanambe Mwata.” Talenu? Aha hakiko enu muli . . .

274 Kahajino enu namumbata ndumbu walunga wamundende kwimana ha mbango, kulila na meso eyi analovoka, kaha pamo kwimana hano nakwimba ngita yamwaka, ngwenyi, “Ndumbu walunga, twaya, uwane Mwata!”

275 Kafunga kumuhita, ngwenyi, “Huu! Kangweshi kuhasa kupwa na chikungulwilo . . . Mwomwoika, Kangweshi kulinunga, kangweshi kwecha yami . . . kangweshi kwecha Liddy na Johnny na vakwavo kungumona yami hachihela ngana echi.” Twalilaho, mbuto ya liyavolo, ove uli nakuya kumakumishilo ove Ahaya myaka, mwosena omwo. Echi chakwoloka. Kangwawashile kuhanjika na lizu likwavoko, kaha ngwenyi “vana vamujila,” kaha echi chili kaha oku ali oholili. Mwomwo, mwamono, enu . . .

276 “Kakweshi muthu mweza kuli Yami kuvanga Tata Yami namukoko ikiye. Kaha vosena vaze naveza kuli Yami, Nangukavasangula mulikumbi lya makumishilo. Kaha kakweshi chuma chimwe nachiya nakujimbalako. Ngukwechi echi. Nanguya nakulama echi. Naumwe pimbi mwahasa kuchilinga echi, kuvanga Ou.”

277 Vosena vali muli Ikiye. Ove kaweshi kuhasa kuhanjika, “Ngunalingi chuma chimwe.” Echi chili kaha likozi lya Kalunga lina lingi evi vyosena. Shikaho, nachimwe Ngwalingi chauchi. Kangwapwile na chakulingako; ove kanda lyehi, chipwetuhu. Ove kanda uwahise chumachimwe. Kalunga alingile vyosena. Ove kawahashile numba kwalumuna munwe wove hali echi. Ove kawahashile kuhanjika, “Chamwaza, Ngwafuma muchisaka chamwaza. Ngwalingile *echi*.” Chize kacheshi nachuma chimweko na echiko. Kalunga apwa Umwe Ikiye achilingile; keke ya Kalunga.

278 Ngukonekelenuko jino, kanda yipwenga jino leveni koloko, oloze Yami nanguya nakusoka, mwosena omwo. Talenu?

279 Vangahi vanevushisa echi nge Mbimbiliya yahanjika vyuma kana kupwa Muchano? Enu vathu vamu Branham Tabernacle, chikumanyi. Jino, echi chili kaha chimwe ha sikisiteni hali ovyo etu tweji kunangulanga na kufwelela. Oloze, anuka, kuli enu vakakutala kaha, Ngunahase kuhanjika ngana, enu vathu mwahona kwiza hano kupwa nge membala. Mujila etu twafwelela echi, nge *Eyiyinapu* Mbimbiliya, kaha Mbimbiliya yapwa Muchano wa Kalunga.

280 Kaha etu twafwelela, nge, mu Tesitamende ya Mwaka, jino, vakiko vapwile na jila mwakutachikijila wapwile muchano na uze kaweshi muchano ko.

281 Jino, etu vosena twatachikiza nge vakiko vapwile na chiyulo chakusoneka. Vangahi vatachikiza echi? Chize chiyulo, jize—jize jishimbi japwile muze muwato, na vyangocho; echi chakwoloka, kaha chiyulo chapwile ha jishimbi. Ngwajo, “Ove kanda ukalinga ujila ko. Wose mwalinga ujila va mwashile malolwa.” Talenu? Chize chapwile luze—luze jishimbi, kaha na chize chiyulo ha lushimbi. Jino, uze wato watwamine nge *ngana*; jize jishimbi kujapwilenga muze, kaha viyulo vyapwile mumboloso ya muze muwato. Kachi muthu mweza muno, nakulinga ujila; mbatenu echi nakuya mwaya chiyulo ngwajo, “mwasenu malolwa.” Vakiko vamumbachile ikiye haze vene na kumwasa malolwa. Omu mukiko chiyulo chapwile ha lushimbi.

282 Jino vakiko vapwile najijila jivali jakutachikijila. Kwatwama lwola lwosena seli, kupwa kwinjikiza. Vakiko vapwile najila yeka ya kutachikiza, kaha ize yapwile shina na kapolofweto mokomoko muka kulota. Vangahi vatachikiza ngocho? “Kachi muli umwe mukachi kenu ali mukashipilitu, mokomoko kapolofweto, Yami Yehova nangulisolola ami Lyavene kuli ikiye mukulota, kaha kuhanjika kuli ikiye muvimweno.” Echi chakwoloka. Jino, ikiye apwile mukakupolofweta.

283 Jino, kachi muthu, kaha ngwenyi, “Mamalelo, Haleluya, Ngwayitambula! Yami nguli na kupolofweta jino mu Lijina lya Mwata. Ngukwechi kusoloka.” Vakiko kavavyechelenga viyenga

ngochocho, nge omu enu vathu muli na kulinga ko. Vakiko vavyesekelenga na Kalunga, chatete.

²⁸⁴ Jino, ha tulo ya Alone vakiko hapwilenga chize vavulukilenga vakiko ngwavo Ulime Tumime. Vangahi vevwa lyehi eli lizu? Lyapwile lika? Apwile malolwa twoluvu, sikisisali yimwe, kupwa vakakuluka twolofu; yashipili, Yuta, na vyangocho, kaha na kuya lika ngocho, na kushikumuka aze malolwa twolufu. Kaha jino vakiko vambachile ou kapolofweto, mokomko mukakulota, kaha vakiko vasukikile echi ha tulo, kaha vakiko vamwimikile ikiye kuze. Kaha vakiko ngwavo, “Jino polofweta kaha ambulula upolofweto wove.”

“Uze Yehova ahanjikanga kuli yami kaha ngwenyi vyuma vimwe munganji—munganji.”

²⁸⁵ Numba tuhu nachisoloka kupwa chamwenemwene, echi chinahase kwivwakana nge unapu muchano wakukupuka; oloze kachi nge chize kumunyika kachejile hamweko na kutunga ulombo wa kongolo nakuhita haze, ize Ulime Tumime, chize kumunyika kuliwana hamwe, kuzata chaukalunga, kwinjikiza. Talenu, Kalunga apwa lwola lwosena eji kwinjikiza Lizu Lyenyi. Talenu? Kaha chize kumunyika chaukalunga kachi kacha temwine hazeko, kahajino Kangweshi kuzakamako chipwe na chisoloka ngachilihi kupwa chamwenemwene, chize chapwilenga chakwonga.

²⁸⁶ Kachi uze mukakulota ngwenyi, “Ngwalotanga chilota, kaha echi chilota ngwacho, nge, ‘Isalele vatela kututuka na kuya kuchihela chimwe, ’mwomwo va Sulya vali nakwijilila sali *eyina* kutujiha.’” Vakiko vamumbachilenga uze mukakulota nakumutwala kuze; ikiye ambulule chize chilota chenyi. Kachi chize kumunyika kutemwina nduma nakuhita haze, ikiye apwilenga wakuhenga, numbatuhu. . . Kachi va Sulya vapwile vanatweme mujita kuze, ikiye apwile wakuhenga. Nduma, mwane. Vakiko, chamwenemwene, chize chatela kuchinjikiza kuli Ulime Tumime.

²⁸⁷ Jino muthu wosena natachikiza ngeuze kapilishitu wamwaka aya lyehi, ahita lyehi navyo, kaha Ulime Tumime aya nawo. Etu twatachikiza ngocho, yichiku? [Chikungulwilo ngwacho, “Amena.”—Muka.]

²⁸⁸ Kaha kapilishitu wamuhya neza lyehi. Chuma kuka? Etu twatwama nana Ulime Tumime lelo? Eyo, mwane. Lizu lya Kalunga! Eyo, mwane. *Echi* chikiko. Kachi kala muthu ali na kala kusoloka, mokomoko mwahanjika kalachuma, mokomokokala chinangwilo chize kacheshi nakutesa na- . . . kaha kuhona kwendela hamwe na Mbimbiliya, mwosena mwaya Chisoneka, ikiye ali wakuhenga. Kangwazakamako chikungulwilo muka ikiye atwamamo, ikiye wa mwaza ngachilihi, ikiye wautongwe ngachilihi, wakatanga ngachilihi; ikiye ali wakuhenga.

289 Kaha nge kala muthu mwakulweka ove vyuma evi, evi etu tunangula hano muliuka jino, kaha kukulweka ove, nge, “Kachi ove vakusapwilile, chili chakwoloka,” ikiye na kulweke makuli. Chize kacheshi kuhasa kutemwina ha Ulime Tumime. Nge ikiye mwakulweka ove, echi, “Kumwangila chili chakwoloka,” ikiye nakulweke makuli. Ikiye mwakulweka ove, “Kukujimika mulijina lya ‘Tata, Mwana, Shipilitu Wajila,’ chili chakwoloka,” ikiye nakulweke makuli. Kachi ikiye mwakulweka ove, “Makumbi avikomwesa ahita lyehi,” ikiye na kulweke makuli. Kachi ikiye mwakulweka ove, “Chili chakwoloka pwevo kunangula,” ikiye na kulweke makuli. Kachi ikiye mwakulweka ove, “Chili chakwoloka ove kutwalilaho na kukakachila ku chikungulwilo chove,” ikiye nakulweke makuli. Chize kacheshi kuhasa kutemwina haze ha Ulime Tumime. Kaha vyuma vyavivulu vize vyafuminemo, muze mwamwaka mu “NAYE YA MAHULE,” kaha twaya hano, kaha ikiye haze mwomwoika etu tulihendenu na kufuma muvikingulwilo.

290 Etu twazanga vandumbwetu na vandumbu vamaowe vase vali muvikingulwilo. Oloze ove kawatela kuya, na kuhanjika, “Yami ngumuka Mesondisiti,” kaha echi nachikulingisa kupwa Mukakulishitu, kuli yami. Ove uli Mukakulishitu mwomwo ove wasemuka ku Shipilitu wa Kalunga. Ove kawatela kupwa kuvangila uli muka Mesondisiti mokomoko ka Mbaputishiti. Ove kawatela kupwa kumweko. Ove watela kupwa wakusemuka ku Shipilitu ya Kalunga. Ove wafwelela echi? [Chikungulwilo ngwacho, “Amena.”—Muka.]

291 Hali echi chikuku, kachi kala muthu ali hano natondo kuzachila hamwe na kwiza mukulikata cha kulifukula, kaha natondo kupwa—natondo kumujimika, kujimika mu Lijina lya Yesu Kulishitu, chijiva echi. Muze mukiko navakakujimikila, mumunyutu kaha.

292 Kachi muli umwe, vavavulu hano, kalamuthu natondo kwiza, mukala jila? Etu tuli hano. Echi chakwoloka.

293 Jino, etu—etu katweshi nakulingisa umembalako; ove twaya kaha kulino liuka. Etu twafwelela nge Kulishitu ali muliuka lya Mesondisiti, muliuka lya Mbaputishiti, muliuka lya Pulishiteliyani. Ikiye akwechi mamemba muli osena nawa. Kaha chuma muka chinahono, lelo; kupolofweta chakwonga kuneha vyuma evi, kunangula cha mauka, echi chili vene chakulimbalaka na Mbimbiliya.

294 Jino, kachi muthu umwe mwalinga Echi kuli yami hatoma to, Nanguya vene nakulimbata amilyavene... Ngwafwelela nguli na Shipilitu ya Kalunga muli yami yakutambo, ya kutonda ize Mbimbiliya na kulinga mwakwoloka. Kachi Ngwatambukile nakuya helu na kulimeneka mumavoko na mukakunangula, na kuhaka lijina lyami mumukanda, oloze hanga kutwama na chijindo na lisungu mumuchima wami, kaha lushiusiu na

kulikindukila, kaha na kuhona kufwelela nge Yesu Kulishitu kupwa Mukakuka wamunene, kaha na vyangocho nge ngana, Nanguya na kwolola echi na Kalunga, washi washi. Ngwafwelela pundu Nanguya nakuchilinga. Na—Nangupwa wakushishika hali echi. Nanguya nakupwa wakwoloka na Kalunga. Kachi Nanguya kaha na kukwachilila lika mwomwo Ngwapwile muka Mbaputishiti mokomoko ka Mesondisiti, Nanguya na kumbata Ukulishitu mumuchima wami. Nanguya na kuchilinga echi. Eyo, mwane.

²⁹⁵ Jino anukenu kwiza chakuhizumuka, echi nachiya nakuputuka, nge Mwata netavila, echi Chitatu chaufuku chili nakwizaho. Echi chili vene aha hali echi chikuku.

²⁹⁶ Ivwililenu, masepa, kuli Kalunga wamuchano wa kuyoya. Echi chakwoloka. Yesu Kulishitu ikiye Mwana Kalunga. Ou Shipilitu Wajila ali Muliuka.

²⁹⁷ Jino, kachi Ngwapwanga kaha na mthuumwe wakungulweka yami echi, Ngulina lusesa lya kukakasana echi. Oloze, ivwililenu. Likumbi limwe kuze, nge kanyike walunga, Ngwamanyine mwishi ya mutondo; Ngwamumwene Ikiye. Ngwamwivwile Ikiye. Ikiye angulwekele yami, ngwenyi, “Lilame na kufuma kuli ava mapwevo vakunuka. Lilame ku makanya. Lilame kufuma ku kwangula, kukunwa, na kuvyuma vyosena evi. Ngukwechi mulimo na yove watela kulinga omwo ove naukakola.” Ngunatachikiza Ikiye vene, Kalunga wakuyoya uze atambuka hamwe na Lizu Lyenyi.

²⁹⁸ Omwo Ngwakulile chindende, omwo Ikiye aliwanyine na yami, omwo Ikiye ahanjikile na yami! Omwo Ngwamumwene Ikiye kuze, nge chiputa chakuwema, kaha kaze Kakahya kutambuka nakujujuluka kuze! Omwo Ngwamumwene Ikiye kaha kuhanjika vene ovyo navikasoloka; kaha, lwola lwosena, eji kuheta hakukupuka nge omwo chapwile, kukupuka nge ngana.

²⁹⁹ Uze Youmweahanjikile vize vyuma vya kukupuka nge ngana, ali Youmwe Uze eji kunguhizumwisanga yami kunangula eyi Mbimbiliya mujila mwomumwe nge omu Ngwatela kunangula Eyi. Echi chakwoloka. Shikaho, Echi chafuma kuli Kalunga. Kuli yami, ou apwa Kalunga wa Undume, kaha Ikiye apwa youmwe zau, lelo, nahaya myaka.

³⁰⁰ Yesu Ngwenyi, “Ngwafuma kuli Tata, na Nguya kuli Tata.” Omwo Ikiye ejile. . .

³⁰¹ Omwo Ikiye apwile Kalunga muze mupambo, Ikiye apwile Kumunyika chakuwema. Kaha vangahi vatachikiza echi? [Chikungulwilo ngwacho, “Amena.”—Muka.] Ikiye apwile Kumunyika chakuwema, Panda ya Kakahya.

³⁰² Kaha Ikiye neza hano hamavu, kaha Ikiye ngwenyi, “Ngwafuma kuli Tata, kaha Nanguya. . .Ngwafuma kuli Kalunga, kaha Nanguya nakukinduluka kuli Kalunga.”

303 Omwo Ikiye afwile, kumufunda, kusanguka cheka, kaha Paulu mujila yenyi hakuya ku Ndamashiku aliwanyine Nenyi cheka, apwile Ikiye hiya? [Umwe ngwenyi, “Ize Panda ya Kakahya.”—Muka.] Hanga Panda ya Kakahya. Eyo, mwane.

304 Ikiye alingile Ika omwo Ikiye apwile hano hamavu? Ikiye alingile Ika omwo Ikiye aliwanyine na Paulu? Ikiye amutumine Ngachilihi? Ikiye amutumine kuli kapolofweto uze amulwekele omwo atela kumujimika, ikiye amulwekele mwakulinga; amunangikile mavoko eyi hali ikiye na kumuka, amulwekele nge amwene chimweno.

305 Uze Yesu youmwe ali hano na lelo, kulinga vyuma vyovimwe, kaha hanga Panda ya Kakahya, kunangula vyuma vyovimwe, na kuchinjikiza na Lizu Lyenyi, na vinjikizo na vikomwesa na vihayamisa. Yami nguna wahilila kupwa Mukakulishitu, Ngwahono kutachikiza na mwakulingila. Ngwawahilila akupwa ove Mukakulishitu.

306 Kaha enu, mbalaka ya hano, Ngwamilwekele etu natuya na kwalumuna eli lijina. Echi keshi chakwazako kulivuluka ngwavo Mbalaka ya Branham. Ikiye apwa muthu kaha, talenu. Etu natuya nakwalumuna eli lijina, kuliwanyina lijina lyeka. Etu natuya kuli echi, hanyima tuhu yaechi. Ngwakutondo kupwa na—na liuka lya Kalunga wakuyoya. Kangwazangile lipwenga Mesondisiti, Mbaputishiti, Pulishiteliyani, Pendekosita. Ngwa...

307 Vaze vathu vosena, Ngwavazanga na muchima wami wosena. Ngwahono kutachikiza hiya nyi hiya. Kangweshi kuhasa kumilweka yoko. Ngwatela kaha kunangula Lizu. Nanguta lyoji kaha nakuli kokelamo. Muze muli na vimbotwe, na tuwuvi vamumeya, kaha muli na manoka, kaha muze muli na vaishi vamwe, nawa. Echi chili kuli Kalunga ivene kusakula. Nangukoka kaha lyoji, nangula kaha Lizu na kulikoka, na kuhanjika, “Vano hano, Mwata, vosena vanajinguluka kuno kamenga. Ove unatachikiza Vove; Ove wavatachikiza vakiko kafuma kukwala chikuku. Ngwahono kutachikiza hiya nyi hiya. Ove watachikiza, shikaho chili kuli Ove, Mwata. Omu mukiko mwamwaza Ngunahase kulinga. Nanguya kuze na kutelako kumwe jino, kaha kumbatako lizavu likwavo. Omu mukiko mwosena Ngunahashila kulinga.” Chosena chakwoloka.

Mamalelo, Nguli na kwivwa nge ngwendenga,
Nguli na kwivwa nge ngwendenga;

Limbo Lyami lya Mwilu lili nakusoloka lya
mwaza,

Kaha Ngulina kwivwa nge ngwendenga.

308 Jino anuka, kala muthu natondo kumumona, sanyika kaha Mukulwane. Mercier hano: BUTler 2-1519. [Nambala ya shinga vanayalumuna.—Muka.] Chamwaza natuya na kuwahilila kumimona enu. Kachi vamwe vakuzanga jenu

vezenga na kwingila, mwatela kuzangulako ha kulovoka ha lwola lwakuhizumuka. . . Jino Nanguya, kufuma ufuku walelo, kuya kuli yami lyavene, kaha na kuya mumakumbi avali jino, kuli yami lyavene.

³⁰⁹ Nanguya kaha muze na kuya nakulinangula, nge ngana, “Mwata, Ove uli hakamwihi na yami. Ngunatachikiza Ove uli hano. Kaha Lizu Lyove ngwalyo Ove mupandama hakamwihi kuli vaze vanapandama hakamwihi na Ove.” Ngwejikutwalilaho kulomba na kutala palanga nomu Nangumona ize Panda ya Kakahya na yiputuka kutambuka. Ngunatachikiza ili lyehi vene yakulizanga. Kahajino Nangutambuka kukamenga na kukuka, kulomba, na kulinga ovyo Ngunahase kukafwa vaveji na vali nakuyanjisa.

³¹⁰ Etu twasakwilila kuwaha chenu jino. Kaha omwo enu na namwiza, twayenu nakufwelela, kaha etu tuli kuvandamina kupwa na kuliwana chachinene. Ngwatondo kuhanjika echi. . .

³¹¹ Ndumbu walunga Jeffries, ikiye ali muno ufuku uno? Etu twatondo kusakwilila Ndumbu walunga Jeffries na milimo yenyi. Ngwashingtonyeka ikiye na kinduluka cheka kumatungu, na ngocho.

³¹² Kuwahilila kumona Ndumbu Walunga na Wapwevo Wright, nayenu vathu vavavulu muli hano.

³¹³ Kaha Ngwamono attorney Robertson hano, shimbu yakunyima, kwiza kushimbu ya kunyima. Ngwatondo kumwalisa ikiye hali uze—uze mujimbu wenyi apwanga nawo lize likumbi likwavo. Naumwe pimbi ahanjikile ikiye hiya. Chize chapwanga cha sonyi. Ikiye apwanga na mujimbu wamwaza ha upolofweto, chuma nge omu Ngwapwanga na kunangula ufuku uno.

³¹⁴ Kaha, shikaho, kahajino kwapwanga mukakuzata mukwavo hano chimene chino, mokomoko ufuku wahichi, Ndumbu walunga Smith, kufuma muliuka lya Mesondisiti. . . mokomoko kufuma Church of God, wa hano. Ngwahono kutachikiza nge ikiye ali muno ufuku uno, nyi chiku. Kachi ove wemanaho lyehi mukamenga na kutala kunyima ngana, chili vene nge chachikalu kwambulula; echi chili hatoma, mwamono, kaha enu kamweshi kuhasa kuchambululako. Kachi ove uli muno, Ndumbu walunga Smith, etu twakusakwilila ove.

³¹⁵ Kaha ou keshi ikiyeko, natwame hano, ou ndumbu walunga wakufuma ku Georgia, natwame hano na Ndumbu walunga Collins? [Ndumbu walunga Neville ngwenyi, “Eyo.”—Muka.] Kuwahilila kukumona ove hano cheka ufuku uno, ndumbu walunga.

³¹⁶ Kaha enu vosena, enu vosena, mwalitachikiza umwe na mukwavo.

317 Ngwafwelela ou ikiye uze ndumbu wapwevo na ndumbu hano uze ayile na kulombelela uze kanyike wapwevo luze lwola, hano vene, ndotolo natwame hano kusali eyi. Ou Mwata akukisule ove, ndotolo.

318 Jino, mwane kanda kwivwa kunyengetela ko hali yami, enu vakakuzata na vandumbwetu, mwomwo mujila Ngweji kwendeselanga evi mwakukukola nge omu Nanguhashila. Ino yapwa mbalaka yetu. Hakiko etu twemanyina, kaha etu twatondo kwala Echi hano vene ha Lizu, na kuvanyikisa vakiko na Neli. Kahajino, kachi ove naufuma mumukana, etu natuya na kukinduluka na kuhanjika ngwetu, “Ove unatachikiza kanawa. Hano Vili na haji tepu.” Talenu? Enu haze. “Vili na Hano haji tepu.”

319 Etu tukwechi na vwavivulu vize twatela kutwalilaho, Leo. Oloze, oloze etu. . . Enu mukwechi vyavivulu. Enu twamenu vene Nechi, kaha etu natutambula vikwavo nawa hanyima ya Echi. Nge muthu apwile, na kulya lihapwa, ngwenyi, “Lize lyapwanga lya mwaza vene, oloze kuwali akwavo.” Shikaho Etu tukwechi akwavo amavulu, ali, nakwiza.

320 Ou Mwata amikisule enu, chamwaza vene jino. Shimbu etu. . . Tuli nakuya na kupwa na kutanga cha kujimika jino. Chili chakwoloka, Ndumbu walunga Neville? [Ndumbu walunga Neville ngwenyi, “Yaah, Ngwafwelela ngocho.”—Muka.] Muno nuli umwe hano vatela kujimika jino? Etu kuzama pimbi uli uhiya; etu—etu tuli hano mangana tujimikenga. Katula mavoko enu, vase vatela kujimikiwa. Muthu umwe, Ngwafwelela chapwanga. . . Pwevo wakalemesa hano. Kaha kuli weka mukwavo? Jino, etu tukwechi mauvwalo amalunga na mapwevo hano.

321 Jino, etu katweshi nakuhanjika nge, “Seza liuka lya Mbaputishiti. Seza liuka lya Mesondisiti.” Etu katwahanjika. Ove kinduluka kuliuka lyaove. Oloze kachi kavakujimika kutesa na Chisoneka, mu Lijina lya Mwata Yesu. . . Keshi mu Lijina lya “Yesu” kahako, jino. Mu Lijina lya “Mwata Yesu Kulishitu,” echi chikiko Chisoneka. Ove vakujimika mwakuhenga.

322 Kangweshi nakutonda maukalu omwo Nanguya kukalwiji. Ngwatondo vyosena vipwenga vyakulumbunuka nge omu Ngwatachikiza mwatela kupwa, omwo Yami nangukwatachize chitupa, talenu, ’mwomwo Ngwatondo kuyamo hali luno lwola. Nangukukafwako nove ulinge mwomumwe.

323 Yako kinduluka kuliuka lyove. Echi chili, mukachi kove na Kalunga. Omu mukiko Nangukulweka.

324 Oloze naumwe pimbi mu Chisoneka vajimikile lyehi mujila yeka yikwavo oloze mu Lijina lya “Mwata Yesu Kulishitu.” Kaha vase vajimikile, vavalwekele kuli Mukakujila Paulu, ou ambile ngwenyi, “Kachi Kangelo mwanangula chuma cheka, echa apwenga wakwangula.” Vavalwekele vakiko kwiza na

kuvajimika, cheka, mu Lijina Iya “Mwata Yesu Kulishitu.” Echi chakwoloka. Kaha ikiye achilingile. Kaha chuma ikiye alingile, ikiye atutuma etu kulinga; echi etu natuya na kulinga, nge Kalunga netava.

Etu twafwelela mukusanyisa mahinji. Etu twafwelela mukulya mbolo.

325 Etu twafwelela mukwiza cha Kulishitu Chamuchivali, mwakumona, mujimba uvene wa Mwata; keshi Shipilitu ko, oloze mujimba uvene wa Mwata Yesu kwiza cheka muupahu.

326 Etu twafwelela mukusanguka cha mujimba kufuma kuvafu, nakutambula mujimba, keshi waushinakaji na mikonya nge omu etu tweji kuyanga muchimbumbwe; oloze umwe wauhya, waukweze vene, mangana kuyoya haya myaka.

327 Etu twafwelela mukuzeneka kufwa cha mono, hawimanyino. Etu twafwelela nge tukwechi Kuyoya chimwe Chahaya myaka, kaha echi chikiko Kuyoya nautambula kufuma muli Kulishitu Yesu. Echi chili vene chakwoloka.

328 Shikangaho, etu katwafwelela mukuzangamisa Chahya mwaka ko. Etu twafwelela mu chijiva chakakahya, kuwema na sulufulu, oloze etu katafwelela echi kuwema haya myaka; kachi echi nachilingika, enu mukwechi Kuyoya cha Hayamyaka. Kuli kaha Kuyoya chimwe Chahya myaka; Chize chakufuma kuli Kalunga. Kaha echi chili cha kwoloka. Ove nauya na kuwema, pamo mu myaka million, teni million, Ngwahono kutachikiza, oloze kaweshi kuhasa kupwa na Kuyoya Chahaya myaka ko. Ove kaweshi kuhasa kuwema haya myaka. . . Ove kaweshi kuhasa kuwema haya myaka, oloze keshi Hayamyaka. Talenu, kuli chihandwa mukachi ka Hayamyaka na myaka na haya myaka. *Myaka na haya myaka* chili haya myaka na haya myaka, lwola, kulumbununa “tando ya lwola.” Oloze, Hayamyaka, enu kamweshi na kupwa na kuzangamisa cha Hayamyaka ko.

329 Enu muli na Kuyoya cha Hayamyaka, ’mwomwo kuli kaha Kuyoya chimwe kaha cha Hayamyaka. Kaha ou ali na Kuyoya cha Hayamyaka, ayoya kaha ali wakukisula kuli Kalunga haya myaka.

330 “Oloze mwono uze na wuvulumuna, uze mwono nauya. . .” Ika? [Chikungulwilo ngwacho, “. . . kufwa.”—Muka.] Echi chakwoloka. Kahajino, echi kacheshi na Kuyoya cha Hayamyaka ko. Punduvene. Kacheshi ko—kacheshi ko kaha chili nakuzangamisa chacho, oloze keshi Kuyoya cha Hayamyaka ko.

331 Shikaho, mwamono, kuli vyuma vyavivulu vyatela kunangula, etu natuya kulutwe. Ou Mwata amikisule enu.

332 Jino echa twimbenu ou mwaso wamwaza wamwaka, shimbu ndumbwetu wapwevo mwaya kuze. Ngwafwelela ou pwevo wakalemesa aha pamo. . .

333 Rosella, uze ikiye noko? [Ndumbu wapwevo Rosella ngwenyi, “Eyo.”—Muka.] Mwomwoika, muchima wove vaukisule! Chamwaza kukumona, ndumbu wapwevo, kulinga echi. Echi chili chamwaza.

334 Rosella Griffin, umwe hali masepa jami vamwaza vavandende vase etu twapwilenga navo. Ikiye ali kanyike wapwevo apwile chitakwa chawala; kuli enu vathu vamwe hano, munahase kupwa muvangeji. Rosella kanda kulizakamina yami kuhanji ngocho ko. Omwo ikiye ejile kukamenga kuze ku—ku kuli . . . kuno ku Indiana. Enu mwamona lyehi wakuvindama, apwile umwe wavo, wakunyowa na wala. Kuze, va ndotolo vavanene vawana va ku Chicago vambile ngwavo mukiko apwile. . . Wakuzeneka lijina Wawala, na kala chuma, vamuhungile. Oloze ufuku umwe ikiye ejile kukuliwana chetu, kaha Shipilitu Wajila amuvungunwine chiyoyelo chenye kaha amulwekele ikiye haze vene. Echi chakumishile vyosena.

335 Talenu hali ikiye jino, Ngwashingtonyeka, kwahichi myaka yakusemuka pamo seti nakuhakilaho, munahichi pamo eyiteni; wamwaza, kanyike wapwevo wamwaza. Kanda amakile cheka whiskey kufuma haze; keshi cheka na pwila yawako. Kumuyoyela Kulishitu, kuya nakujinguluka mujijila, kwosena, kwambulula upahu wa Kalunga, kuli vakashili na vakawala, kwosena kujijila, na kwosena kala, kuhita na ku Chicago, kumulingila Mwata chuma chimwe.

336 Ikiye vamuji mikile mu Lijina Iya Mwata Yesu, kaha naye yenye mweza ufuku uno nakulinga mwomumwe; kachi Kalunga mwamuhindula, kachi Yesu mwamuhindula. . . “Chosena enu namulinga mu lizu mokomoko mu vilinga, vilinge vyosena mu Lijina Iya. . .” [Chikungulwilo ngwacho, “Yesu Kulishitu.”—Muka.] Omu mukiko Mbimbiliya yahanjika. Echi chakwoloka.

337 Chosena chakwoloka, jino etu tuli na kuya na kupwa na kutanga cha kujimika. Etu natuya na kumwinyika malayiti ha minyutu yayindende shimbu etu tuli nakuwahisa hali echi kutanga, kupwa na kujimika, kaha—kaha jino etuya na kupwa na lwola lwamwaza na Mwata.

338 Namuya na kupwa na kutanga cha kujimika ufuku uno? Chosena chakwoloka, mwatela—mwatela kuliwahisa. Kaha Nanguya nakuputuka, Nanguya nakutwaminyina mu myaso na vyuma vimwe shimbu etu tuli nakuya kulutwe. Shimbu vakiko vali. . . [Ndumbu walunga Neville ngwenyi, “Kuze kunyima kuli vyakuvala, Doc?”—Muka.] Uvalo wakujimikisa, Doc, washi washi. Chosena chakwoloka.

339 Echa twimbenu umwe ou wamwaza wamwaka. . . [Ndumbu walunga Branham mwatwaminyina chikungulwilo mukwimba myaso, shimbu Ndumbu walunga Neville apwile na kujimika ndumbu wapwevo—Muka.]

³⁴⁰ [Ha tepu hapimbi—Muka.] Kaha palanga etu natulinga echi, shimbu natuya, etu twatela kulinga ika?

Mbata Lijina lya Yesu hamwe netu,
Kuholokela mbwa kuvimbundo Vyenyi,
Mwangana wa va myangana wa Mumelu, etu
natuya nakumuvwika Ikiye muchama,
Omwo ungeji wetu naukakuma.

Chosena chakwoloka, tuli kuvipundo vyetu!

Mbata Lijina lya Yesu na yove,
Mwana waushona na kukuwa;
Echi nachineha kuwahilila na kuvendejeka
kuli ove . . .

³⁴¹ Nanguya nakumilweka ika twetela kulinga. Alumuka oho vene nakulimeneka mumavoko naumwe, kaha hanjika ngwove, “Shangwenu mwane, ndumbu walunga? Yami ngunawahilila vene kupwa nayove mukutanga echi.”

Lijina lya Mwaza, Mamalelo omwo lya yema!
. . . kaha kuwahilila cha Mwilu;
Lijina lya Mwaza, Lijina lya mwaza, Ma . . .



MBUTO YA LINOKA LVE58-0928E

(The Serpent's Seed)

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chalumingo na chingoloshi, mu Katundwe ha 28, 1958, mu Mbalaka ya Branham mu Jeffersonville, Indiana, U.S.A, vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2020 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenya mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org